


*RE BONE NALEDI YA
GAGWE GOMME RE TLILE
GO MO KHUNAMELA*

 Ke tšea wo go ba monyetla wo mogolo go ba mo mantšiboa a, ka go kgobokano ye kaone ye ya batho ba Bakriste, go ba le sebakabotse se go bolela le lena ka Morena Jesu wa rena wa go šegofala, Yo bohle re lego mo ka go mo hlompha, go Mo hlompha.

² Ke mo go bose go ba le Ngwanešu Tony le Ngwanešu Williams, di—di dipresitente tše pedi, tša lekala mo ka—ka—ka Tucson gape le ka Phoenix. Re bile le tirelo godimo kua Mokibelo wa go feta mosong, ka nnete re bile le nako ye botse kua ka Ramada Inn godimo kua. Gomme re letetše go ba le nako ye nngwe ye kgolo kua, go thoma la lesomesenyane la kgwedi ye, moo e lego monyetla wa ka go ya morago bakeng sa tirelo ye e katološitšwego. Re na le, ke a dumela, ke mašego a mane, go thoma la lesomesenyane. Gomme ke a nagana Khonferense ya Boditšhabatšhaba ya Banna ba Kgwebo e thoma ka la masomepedi pedi, masomepedi tharo. Ke fale go fihla la masomepedi pedi, gomme ka gona ke na le bo—bo bošego goba a mabedi, ke a nagana, ka go—ka go khonferense ya bona. Kafao, wo ke monyetla wo mobotse go nna go ba le sebakabotse go kgobokana le Bakriste go dikologa dikarolo tša go fapana tša naga, go hlagiša maikutlo a ka le lerato go Kriste, le bona, le go ba le kopanelo ye botse mmogo. Gomme bjale ke maswabi ga se ke hwetše fa go ipshina ka dijo tše kaone tše tšeo ke tsebago le na le tšona. Eupša ke a nagana . . .

³ Ke bile ntle fa go dipoledišanonyakišišo, go rapelela balwetši, le go leka go thuša yo mongwe go bapa le tsela. Gomme le ke la go babja, lefase la kgale re phelago ka go lona, bolwetši bjo bontši kudu le bothata. Eupša ka bogareng bja sohle se, a ga se selo sa go makatša gore re na le yo Mongwe yo re ka kgonago go lebelela godimo go yena, ka godimo ga dilo tše, go gatelela ka godimo ga se.

⁴ Go ka reng ge go be go se Krisemose ya kgonthe? Ge go ka be go se gwa ba Krisemose ya kgonthe, gabotse, dilo di ka be di se ka tsela ye di lego bošegong bjo. Ge go ka be go se gwa ba Krisemose, go ka be go se phološo. Gomme bjale ka gore re lebane le Krisemose, gape, go befile kudu gore re e fetotše, tlhalošo ya kgonthe ya yona, go beng matswalo a Jesu, go fihla feela, gabotse, go lebeaga o ka re Santa Claus o tšere legato la Kriste

ka Krisemose, gomme nonwane tsoko ya Kris Kringle a etla go theoga tšhimine, ka mokotla wa dibapadišwa mokokotlong wa gagwe, yo a etelago lefase ka moka ka bošego bjo botee. Gomme ga ke tsebe se o naganago ka yona, go lokile ge o nyaka go botša bana ba gago seo; eupša ke rutilwe, ke naganne Lengwalo le rile, “O se ke wa aketša.” Gomme ka gona letšatši le lengwe ba ya go go botšiša, “A Jesu yo ke selo sa go swana se Santa Claus a lego sona?” ge ba hwetša ga go Santa Claus. Kafao, bokaonekaone ke nagana go kaonekaone, nnamong. Yeo e ka no se be kgopolo ya gago. Ga ke go botše mokgwa wa go godišago bana ba gago. Eupša ke . . . Ge ba go swara o bolela maaka go seo, gona ba ya go bolela letšatši le lengwe gore mohlomongwe yo Mongwe yo ke maaka, le yena. Kafao nno ba botša therešo, therešo ya go otlologa, gomme morago ba tla tseba mokgwa wa go, se o se rago. Kafao, ga go kgathale bokantle bo lebeaga bobe gakaakang, le se ba se dirago ntle kua, seo ga sa swanela go re tshwenya go dira Krisemose se e swanetšego go ba sona. Le a bona?

⁵ Ke nagana gore seetša se phadima bokaonekaone ka leswiswing. Ge go le leswiswana, seetša se phadime bokaonana, dinako tše dingwe feela seetša se sennyane. Moo go nago le seetša se sentši, ga se hlokomelwe. Eupša ge go eba leswiswana, seetša se sennyane sela se tla phadima go tia kudu. Gomme elelwang gore ga go leswiswi le le ka phelago ka bogoneng bja seetša. Seetša se maatla kudu go feta leswiswi, go fihla le ka se kgone go ema ka bogoneng bja sona. Leswiswi le ka se kgone go ema ge letšatši le thoma go hlaba, gobane letšatši ke le legolwane kudu, seetša sa letšatši, go fihla se no gatelela leswiswi ka ntle, gomme ga le sa le gona.

⁶ Gomme lefase le la leswiswi, letšatši le lengwe, le ya go retologela go seetša sohle. Ge Jesu Kriste Letšatši la toko le tla tla gape, nako yeo re ka se sa ba le leswiswi. Go fihla nako yeo, feela ge re lebelela ntle nako ya bošego le go bona ngwedi o phadima . . .

⁷ Ngwedi le letšatši ke monnamogatša le mosadimogatša, bjalo ka go bolela. Gomme ge letšatši le se gona, ngwedi o bonagatša seetša sa letšatši, go lefase, o le fa seetša se sennyane, gore re kgona go bona mokgwa wa go ya tikologong ka seetša sa ngwedi go fihla letšatši le hlaba. Gomme ka gona letšatši le ngwedi di ba setee, sa go swana, seetša sa letšatši le seetša sa ngwedi sohle se a swana.

⁸ Seo ke se Kereke ya Morena Jesu Kriste e swanetšego go ba sona, e bonagatše Seetša sa Gagwe ge A se gona go tšwa lefaseng ka mmele wa nama, Kereke e swanetše go ba ponagatšo ya Jesu Kriste ka go diiri tše tša leswiswi. Ge Santa Claus le magadigadi gohle godimo mokgotheng, re swanetše go goelela, “Ke matswalo a Jesu Kriste, gomme e sego ketelo ya Mokgethwa Nicholas!” Re phela ka go nako ya leswiswi ya go šiiša, gomme ke ge seetša sa rena se swanetše go phadima ka kgonthe.

9 Bjale, pele re bala Lentšu la Modimo, ke makala se, gore ge re ka hlompha Lentšu la Gagwe. Re hlompha bjang Lentšu la Gagwe? Re hlompha Lentšu la Gagwe ka go Le bala gomme morago ra Le dumela. Bjale, re swanetše go Le bala, “Tumelo e tla ka go kwa.” Gomme ka gona ge re Le hlompha ka go Le bala, gona re Mo hlompha ka go dumela se re se badilego.

10 Kafao bjale, go dira tlhompho ya pele, ge re bala Lentšu la Gagwe, a re emeng ka maoto a rena ge ke sa ya go bala karolo ya Lengwalo. Re ema ka go hlompha palo ya Lentšu la Gagwe. Ke ya go bala mo ke nyakago go bolela go tšwa gona bošegong bjo, feela dinakwana di se kae. E ya go ba go tšwa go Puku ya Mokgethwa Mateo, kanegelo ya Krisemose. Ka go tema ya 2 ya Mokgethwa Mateo, re bala se.

Bjale ge Jesu a tswetšwe ka Bethlehem ya Judea ka go . . . matšatšing a kgoši Herode, bonang, go tlile banna ba bohlale go tšwa bohlabela go ya Jerusalema,

Ba re, o Kae . . . a tswetšwego Kgoši ya Bajuda? ka gore re bone naledi ya gagwe ka bohlabela, gomme re tlile go mo khunamela.

Ge Herode kgoši a kwele dilo tše, o ile a tshwenyega, le Jerusalema yohle le yena.

Gomme ge a kgobokeditše baprista bagolo bohle le ba bamangwalo . . . batho mmogo, o nyakile go bona moo Kriste a swanetšego go tswalwa.

Gomme ba rile go yena, Ka Bethlehem ya Judea: gobane go ngwadilwe bjalo ke baprofeta,

Gomme wena Bethlehem, wa naga ya Juda, ga o yo monyennyane gare ga bakgoma ba Juda: ka gore go wena go tla tšwa Mmušiši, yo a tlogo go buša batho ba ka Israele.

Ka gona Herode, ge ka sephiring a beditše banna ba bohlale, o ba botšišitše ka tlhoafalo ke nako efe naledi e bonagetšego.

11 Bjale a re inamišeng dihlogo tša rena feela nakwana, ge re bolela le Mongwadi wa Lentšu le.

12 Ramaatlakamoka Modimo, re a Go leboga bošegong bjo go tšwa go wona mabotebo a dipelo tša rena bakeng sa lerato la Kriste leo le tšholotšwego mošola ka dipelong tša rena, ka matšatšing a a mafelelo, ke Moya wo Mokgethwa. Re a Go leboga ka baka la gore re ne monyetla wa go ikgobokanya renabeng mmogo le go Go rapela, le go ba le netefatšo ye ya go šegofala, gore, letšatši le lengwe O tlela Kereke ya Gago. Re a Go leboga, go ba barwala Seetša ba lebaka le, go ba mo re loketše go bonagatša Lentšu le le tšhepišitšwego la lebaka le bjale re phelago ka go lona, go tsebeng gore mo mathomong O abile Lentšu la Gago. Go tsebeng bofelo go tloga mathomong, lebaka le lengwe le le

lengwe, O abile Lentšu la Gago go lebaka leo. Ka mokgwa wo mongwe, ga re tsebe ka fao e kilego ya direga, eupša ka go lengwe le le lengwe la mabaka ao, ge re lebelela morago godimo ga Lentšu la Gago, gomme re a bona gore go bile le tlotšo e etla ka go lebaka lela, yeo e phethagaditšego Lentšu lela. Gomme ka matšatšing a bjale re phelago ka go wona, go Lentšu le le beetšwego, tshepišo ya lebaka le. Re a dumela gore Moya wo Mokgethwa o mo lefaseng bjale, o leka go hwetša dipelo, go bonagatša le go tliša go phethega, ka go hlatsela Lentšu le bjale le profetilwego bakeng sa letšatši le iri ye.

¹³ Ge re lebelela morago, mengwaga ye mengwe ye makgolo a lesomesenyane ya go feta, go bile le Lentšu le le profetilwego ge e sa le go tloga serapeng sa Edene, ka Mophološi yo a tlogo, gomme go bile Yena a tlilego gomme a phethagatša Lentšu le lengwe le le lengwe le la go profetwa. Bophelo bja Gagwe bo hlatsetše Lentšu la Modimo, ka gore O be a le Lentšu. Botlalo bja Modimo bo dutše ka gare ga Gagwe. O be a le ka—ka Karabo le Botlalo bja tšohle baprofeta ba di boletšego. Gomme bjale bošegong bjo re fa re a batamela, gape, mokete wa letšatši la Gagwe la matswalo.

¹⁴ Gomme, Morena, re maswabi kudu go tseba gore ebile le setšhaba sa rena se itatile bonabeng ka go mohuta tsoko wa ka—ka kanegelo ya boikgopolelo ya yo mongwe yo a bego a swanetše go ba e be e le nonwane kelenketla. Eupša, Morena, re a tseba gore modumedi wa therešo o a tseba gore seo ke phošo, gomme e dirilwe feela ke lenaba, go nyamiša monagano wa batho go tloga go Modimo wa therešo le wa go phela.

¹⁵ Modimo, re a rapela gore Bogona bja Gagwe bo tla ba le rena bošegong bjo ge re tsena ka go kanegelo ya Krisemose. Gomme efa, Morena Jesu, ge go ka ba rakgwebo goba mosadi mo ka—ka moagong bošegong bjo, bao ba sego ba be ba Mo amogela bjalo ka Mophološi wa bona, a nke bjo e be bošego bjo pelo ya bona beng e tla bago legopo le le tla belegago, bošegong bjo, bjalo ka ge go bile nako yela, Jesu yo a gannwego le go nyatšwa, Mesia wa Modimo. A nke ba tloge mo, bošegong bjo, le Naledi ya Moso e lekeletše godimo ga bona, e bonegile tsela ya bona go fihla ba kgona go tshela Jorodane letšatši le lengwe ka Seetša sa Yona ye. E fe, Tate, ka gore re e kgopela Leineng la Gagwe le letagong la Gagwe. Amene.

Le ka dula.

¹⁶ Ka mehla gore ke yo motelele gannyane go boleleng; nka se leke go rera bošegong bjo, gobane ke makgwakgwa. Eupša ke tla rata go fa terama ye nnyane ya kanegelo ye ya Krisemose. Gomme ga go pelaelo, eupša ye le tla e kwago makga a mantši, gomme Lengwalo le la go swana le badilwego, le tla tla godimo ga diyalemoya tša lena, ka go dithelebišene tša lena, le—le ka dikerekeng tša lena, badiša ba lena ba bakaone ba go botega ba

lena borakgwebo, le go ya pele, ba tla—ba tla kwa kanegelo ya Krisemose, gomme ba tla bolela kanegelo ya Krisemose, a ke re.

¹⁷ Gomme bjale ke tla rata go e batamela go fapana gannyane go feta se ke se dirilego Mokibelo wa go feta ka go Lefapa la Banna ba Kgwebo la Phoenix, ka gobaneng Jesu a tswaletšwe ka Bethlehem. Gomme go be go ka se kgone go ba lefelo e ka ba lefe le lengwe A bego a ka kgona go tswalwa, le a bona, gobane le boletše Leina la Gagwe le se A bego a le sona. Gomme re hweditše seo ka Lengwalo, gore Yena, Bethlehem, ke Ntlo ya Borotho bja Modimo, gomme O be a le Borotho bja Bomodimo bja Bophelo. Gomme go be go se tsela . . . Gomme go re fa go tseba nako yeo gore rena, bohle Bakriste ba go tswalwa gape, re tswaletšwe ka Bethlehem. Kriste ke Bethlehem ya Modimo, Ntlo ya Gagwe ya Borotho bja Bophelo bjo Bosafelego.

¹⁸ Bjale, bošegong bjo, re ya go e batamela go tšwa tseleng ya go fapana. Ke ya go tšea sehlogo sa ka bošegong bjo, Morena ge a rata, *Re Bone Naledi Ya Gagwe Gomme Re Tlile Go Mo Khunamela*.

¹⁹ Banna ba bohlale ba. Re na le kgopolo mo gore, gomme re botšwa ke motlwae, gore go be go le banna ba bararo ba bohlale, efela ga re tsebe seo go ba therešo. Beibele ga e re go be go le “ba bararo.” Go le bjalo, ke bile le monyetla wa go direla ka India, go tšwa moo ba tšwago gona, gomme ba sepela ka bararo. Ke gore, re sa ba bona. Feela e se kgale kudu ke be ke le ka India. Gomme mo o ba bona ba le mohuta wa go tshorama mokgotheng ka tša bona, nako ya mosegare, ka dihlogo tša bona di thulane seng sa bona, le disetše tša bona, ba dutše fale mohuta wo o ka rego ba ka torong ya mosegare. Ga ba tsoge ba dula thwi fase, ba no tshorama. Gomme leo ke lebaka, ke a nagana, gore re a dumela go be go le banna ba bararo ba bohlale, gobane ba sepela ka boraro.

²⁰ Gomme ba rile, “Re bone Naledi ya Gagwe ka Bohlabela gomme re tlile go Mo khunamela.” Ka mantšu a mangwe, “Re bone leswao la Gagwe la lebaka le,” leo ba bego ba phela ka go lona. Le profetilwe bjalo.

²¹ Le a bona, ke a dumela gore Lentšu la Modimo ke la ka Gosafelego, ka gore, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama, gomme la dula magareng ga rena.” Kafao Lentšu le ka se tsoge la fetolwa, Ke la Gosafelego. Ke Modimo Yenamong ka go—ka sebopego sa go ngwalwa, ke Beibele, Lentšu la Modimo.

²² O swanetše go ahlola kereke ka selekane se se rilego. Gomme A ka se kgone go e ahlola ka selekane sa tshepedišo efe kapa efe ye re e dirilego, gobane ye nngwe le ye nngwe ya ditshepedišo tša rena ke madirwakemotho. Gomme e swanetše go ahlolwa. Gona ge—ge o ka nyaka go ganetšana le go re, “Aowa, ke a dumela

o phošo fao, Ngwanešu Branham. Ke a dumela ya *rena*.” Goba moisa yo mongwe o tla re, “Gabotse, ya *rena* ke yona.” Gona ke efe a rerešago, ge go na le makgolo a senyane le metšo a ditshepedišo tša go fapana tša yona? Kafao Modimo a ka se kgone go ahlola kereke ka tše makgolo a senyane le metšo dipapano tša go fapana ka ditshepedišo.

²³ Eupša go tla ba yo Motee. O rile O tla “ahlola lefase ka Kriste, Jesu Kriste.” Gomme Kriste ke Lentšu, kagona re tla emela kahlolo ka Lentšu la Modimo.

²⁴ Bjale, Modimo ga a tsoge a dira e ka ba eng ntle le pele go bontšha leswao. Yena ga a ne molato wa go tsoge a dira e ka ba eng eupša pele—pele go e bega ka leswao la Gagwe.

²⁵ Gomme banna ba bohlaile ba ba rile, “Re bone Naledi ya Gagwe ka Bohlabela,” ba be ba le ka Bohlabela ge ba E bona, e bego e le ka Babilonia, e bego e le bohlabela bja Jerusalem; gomme ba be ba le ka Bodikela, mengwaga ye mebedi moragwana, ba re, “gomme re tlile go Mo rapela.”

²⁶ Motlwae wa Bokriste o re dira re tle go lesea le lennyane, le robetšego ka legopong, banna ba bohlaile. Seo ga se bjalo. Lengwalo le kgahlanong le seo. Lengwalo le re, “Ba tlile go ngwana yo monnyane,” e sego segotlane. Herode o bolaile bana bohle go tloga bogolo bja mengwaga ye mebedi go theoga. Le a bona, gomme šetšang moo ba bego ba swanetše go sepela ka kamela go fihla kua, go ba tšere thwi mengwaga ye mebedi go dira leeto, go theoga go kgabola, hlang le Noka ya Tigris le go kgabaganya. “Re bone Naledi ya Gagwe,” ge ba be ba le ka Bohlabela, “gomme re tlile bodikela go Mo rapela.”

²⁷ Bjale hlokomelang, Krisemose bjale e fetogile. Bjale, letšatši la kgonthe la Krisemose, re . . . leo le tla ganetšwa, gobane ga re le tsebe. Tsela ye re tšeago Krisemose, ge o kile wa ithuta yona, re tšea kgo—kgo kgopolo ya kereke ya Katoliki ya Roma ya Krisemose e bile neng. Gabotse, Kriste o be a ka se kgone go tswalwa ka letšatši la masomepedi tlhano Desemere, gomme ya ba go ya ka Mangwalo, gobane go ne kgato tše masometharo tša lehlwa ka Judea ka nako yeo, le a bona, kafao ba . . . go be go ka se kgone go ba badiši ntle godimo ga dithaba, le go ya pele, gomme go be go tla ba kgahlanong le tlhago yohle nako yeo. O tlile bjalo ka tlhago.

²⁸ Gobane, Modimo o ne molao, gomme melao yeo e ka se kgone go fetolwa. Letšatši le a sobela, o ka se re, “Gabotse, le ka se hlabe.” Le a hlaba. Selemo, marega, le go ya pele, ke melao ya Modimo yeo A e beilego ka lenaneo. Gomme yona, wo mongwe le wo mongwe, e šoma ka go phethagala.

²⁹ Bjale, eupša, mohlomongwe O tswetšwe ka Aporele goba Mei, e tee. Ge, O be a le Kwana, gomme selo se sengwe le se sengwe se netefadišwe O be a tla ba Kwana. Ke ka baka leo A tswaletšwego ka legopong, ka ntlongpolokelo, gomme e sego ka

ntlong; gobane dikwana di tswalwa ka ntle ka dintlongpolokelo, ka go mahlaka le dilo, gomme e sego ka ntlong. Ge A be a tseelwa go ya papolong, O ile a etwapele. Le a eelwa, o etella dinku pele. Re ya ntlong ya polao tlase mo, ba na le pudi goba selo se sengwe se se etagopele dinku; nku e ka se ye ka boyena, o swanetše go etwapele. Ka tsela ye nngwe le ye nngwe, O be a le, kafao ka gona ka tlhagong O ile a swanela go tswalwa ge dikwana di tswalwa. Gomme yeo ke ka Aporele, le a bona, yeo e ka ba ge A tswalwa.

³⁰ Eupša morago ge Bokriste bo tlišwa ka go Boroma gomme bo hlakane ka Nicaea, nako yeo ba bile le modimo wa letšatši, Jupitere, modimo wa letšatši wa Roma, letšatši la gagwe la matswalo le be le le godimo... gare ga... e ka ba letšatši la masomepedi tlhano Desemere. Gobane, sorokisi ya Roma e thomile ka la masomepedi tee le go tšwelapele go fihla la masomepedi tlhano, ye e bego e le go keteka letšatši la matswalo la modimo wa letšatši. Kafao go hlakanya bohetene bja Boroma go—go Bokriste, ba rile, “A re le direng letšatši la matswalo a Morwa wa Modimo, gomme ka gona bohle re ka kgona go dumelelana godimo ga lona.” Le a bona, ka mehla e bile go ditshepedišo tša go itšimeletša go Therešo, nako le nako, ka mehla go bile.

³¹ Kafao lehono re hwetša gore ka kua ba lahletše se sengwe le se sengwe, maikhutšo ohle a rena a tšhilafetše. Paseka ya rena, ga e sa le tsogo ya Kriste, ke mohuta tsoko wa mmutla wa Paseka, goba kefa ye mpsha, goba—goba se sengwe, goba lepidibidi le lennyane le le pinki; ga le na le selo go dira le tsogo ya Kriste, go no swana le ge Santa Claus a se na le selo go dira le matswalo a Jesu Kriste. Eupša ke lefase! Gomme lefase la kgwebo le na le se sengwe le se sengwe ka go kadieleng go go bjalo le tlhakahlakano go fihla, ga go makatše, Modimo o lokafaditšwe go tšhuma selo. Gomme O ya go se dira, O tshepišitše gore O tla se dira. Gomme le swanetše go tsena ka tlhakahlakanong ye gore... Ga go dikholofelo bakeng sa lona, le ile.

³² Gomme bjale, eupša mo iring ya leswiswi le, bjalo ka ge ke bolela, yeo re phelago ka go yona, go le bjalo Bakriste ba swanetše go be ba swere pele Seetša sela, gore go na le Therešo go Krisemose, gore ke matswalo a Jesu Kriste, Morwa wa Modimo. Manyokenyoke, legadima la manyokenyoke ka go leswiswi, maru, mafaufau a go befelwa, le a laetša go ka kgona go ba seetša ka leswiswing. Le netefatša gore go ka ba seetša mo nakong ya leswiswi.

³³ Se seo ke bolelago ka sona bošegong bjo, se ka no bonala feela go se tlwaelege gannyane nthatana, gomme gagolo go dinoutse tše le Mangwalo a ke a ngwadilego mo, a ke tla šupago go wona, bjalo ka ge ba bantši ba bona ba tšea Mangwalo, le go ya pele. Bjale, ga se gwa tlwaelega gannyane. Eupša, ke nyaka ka mehla le bee se ka monaganong: Modimo ga se a tlwaelega, Modimo o dira dilo tša go se tlwaelege. Bjo ke bothata ka rena lehono, re

dula kudu ka go dilo tša tlwaelo, go fihla, ge se sengwe sa go se tlwaelege se direga, gona rena—rena—rena bohle re tšwa go sona, ga re tsebe se se diregilego. Modimo o dira sa go se tlwaelege. Gomme motho e ka ba mang yoo a kilego a bala Beibele, o a tseba gore Modimo ka mehla o dira tša go se tlwaelege.

³⁴ Gomme, elelwang, ye yohle e beakanyeditšwepele ke Modimo Yenamong, tswalo ye ya Morwa wa Gagwe. Gomme e be e swanetše go direga neng, le ka mokgwa wo e bego e le, le gore e be e le neng, yohle e be e beakanyeditšwepele ke Modimo Yenamong.

³⁵ A le hlokometše, e be e swanetše go ba feela ka nako ye ge kgoši ye ya go bolaya, Herode, e sego selo eupša mmolai, a be a bolaya bana bohle ba bannyane bale, gore go ke go phethagatšwe seo se boletšwego ke Morena ka moprofeta, a re, “Ka Rama, Ragele o a buna, o llela bana ba gagwe, gomme ba be ba se gona.” Le a bona, go be go swanetše go ba kgoši ya go bolaya go phethagatša seprofeto seo se boletšwego mengwaga ye makgolo a mantši pele ga fao. Eupša, ge Modimo a bolela Lentšu ka moprofeta wa Gagwe, Le swanetše go tla go phethega ge E le Lentšu la Modimo. Ga go kgathale Le dikadika botelele gakaakang, Le sa ntše le tla no tla go phethega gobane Ke Peu. Jesu o boletše gore Lentšu la Modimo ke Peu yeo Mobjadi a e bjetšego. Kafao E swanetše go enywa kenywa ya Yona mo sehlang sa Yona. Gomme bjale kgoši ye ya go bolaya e be e swanetše go ba ka nako yeo, go bolaya bana bao.

³⁶ Selo se sengwe re nyakago go se hlokomela ke, feela ka yona nako yeo, gore o ile a swanela go godiša motšhelo go batho. Gomme, go direng seo, seo se gapeleditše Josefa le mosadimogatša wa gagwe (mosadimogatša wa gagwe yo a beeditšwego, Maria) go gapeletšwa morago ka Bethlehem.

³⁷ Modimo o tseba mokgwa wa go dira dilo. Ebile O tla dira mediro ya lenaba go Mo tumiša. Ge, re nagana dinako tše dingwe yohle ke “re swanetše go dira *se* le go dira *sela*” go dira sešupanako se rethethe feela gabotse. Sešupanako sa Modimo se rethetha ka phethagalo, gomme Jesu o tla ba fa thwi mo nakong. A ka se be motsotswana o tee ka morago. Se sengwe le se sengwe se tla direga feela tlwa ka tšela ye Modimo a rilego se tla dira. Kafao, ge eba re a se dira goba ge eba ga re *se* dire, se tla ba fa feela go swana, gobane Modimo o se boletše, gomme se tla ba bjalo.

³⁸ Bjale re a hwetša, gore metšhelo, yeo Herode yo a e boletšego gore batho bohle bao ba bego ba fapogile go tloga lefelong la bona la matswalo, ba swanetše go boela morago. Seo, o naganne o be a dira se sengwe se segolo fale, ge a dirile se; gomme a sa tsebe gore o be a šoma tlwa ka kwano le Jehofa. Ke ba bakae ba baprista mohlomongwe ba rogakilego Herode ka nako yeo, Leineng la Morena! Ke ba bakae ba emego, mohlomongwe ka sephiring, gomme ba rile, “Oo, Moroma yo, ke eng a . . . Ge re ka

kgona go mo swara, re tla dira *bjalolebjalo*, le *bjalo*,” ba sa tsebe e be e šoma tlwa go ya ka polane ya Modimo.

³⁹ Dinako tše dingwe, lehono, re rogaka Bokomonisi le dilo tšohle tše. E lego, ke a thanka, bo a e swanela. Eupša ge feela o ka be o tsebile therešo, bo šoma tlwa ka seatleng sa Modimo, go dira feela tlwa se A rilego bo be bo tla se dira. O swanetše go tsoša se sengwe go tloša Babilonia lefaseng, gomme O na le sedirišwa ka diatleng tša Gagwe. Le sa tšo bala Lengwalo, go ngwadilwe thwi fale se A rilego O be a tla se dira.

⁴⁰ Gomme ge badiredi bale ba letšatši lela ba be ba sa tšo bala le go ithuta Lentšu lela, ba tsebile seo se be se swanetše go direga.

⁴¹ Bjale re a lemoga nako yeo gore go motšhelo wo mogolo wo, kgoši o neetše molao wa gagwe, goba taelo ya gagwe, gore batho bohle ba be ba tla boela go lefelo la matswalo la bona, go sa kgathale. Bjale, go lebege boka selo sa go šiiša, mosadi yola yo monnyane wa go šokiša, ka lefelong lela a bego a le ka go lona, yo boima ka ngwana, gomme o be a tla swanela go tšea leeto le letelele lela. Lehono, re be re ka se nagane le gatee go mo tšeela ka gare ga ambulanse. Gomme o be a swanetše. Ge o kile wa ba ka Palestina, le go bona moo a ilego a swanela go tla go kgabola ale a makgwakgwa, matlapa a kранаete, godimo go kgabola kua, godimo ga mokokotlo wa moula wo monnyane. Ga go kgathale go be go befile bjang, le ka fao go bego go bonagala go le sehlogo, tšeo e be e le ditaelo tša kgoši, yo mongwe le yo mongwe o swanetše go e dira, baswa goba batšofe, ba itokišitše goba ba se ba itokiša, ba ile ba swanela go e dira, golebjalo.

⁴² Gomme dinako tše dingwe re nagana yeo, merwalo ya rena. Nka no lahlela se thwi fa, gore, re nagana merwalo ya rena e boima kudu dinako tše dingwe, gore ga go selo sa go swana le yona ka lefaseng. A o a tseba dilo tšeo tšohle di go loketše? Tšohle ke go go kgoloka, go go dira. Baprofeta le dihlaledi ba ile ba kgolokwa ka lehlakoreng la morago la leganata, ka go la go fiša, letšatši la go tlabola, ka ditlaišego le meleko, le ditlhomaro. Gomme dilo tše re nago natšo lehono, ga se gona se diregilego go rena seo se sa diragalelago Bakriste ba bangwe, pele. Bakriste ba bangwe ba ile ba swanela go ema mo iring ya leswiswi ka mokgwa wo, gomme e bile ba lešwa ditau, bakeng sa bopaki bja bona.

⁴³ Gomme ka gona re tšeela fase, ka maemo a mannyane, goba yo mongwe yo re naganago gore re yena, “Gabotse! Gabotse, ke wa ya *Gorelegore*, kereke ye e itšego ye o a tseba. Ke a boifa ke tla tliša kgobogo ge ke . . .”

⁴⁴ O se boife bopaki bja gago bakeng sa Jesu Kriste! Tšhollela Seetša sa gago pele! Emela diphenyego tša gago, gore “Yena ke Morwa wa Modimo. Gomme bjo ga se bošego bja ketelo ya Kringle, Kris Kringle, eupša ke matswalo a Jesu Kriste ao re a ketekago.” Le a bona? Bjale re hwetša dilo tšeo a di dirilego.

45 A le kile la ba bona ge ba be ba lokišetša go bopa tleloko, tleloko ya go tuma bakeng sa kereke go kwetenywa goba se sengwe, yeo e bego a swanetše go fa mollo wo o itšego? Le a bona, ge o letša mokwetenywa, e tšea molokoloko wo o itšego wa tleloko ye nngwe le ye nngwe. Gomme go tšea dimateriale tše di itšego go ya ka kua, mphiri wo mokaalo, tšhipi ye kaalo, le bontši bjo bokaalo bja dirafša tše dingwe, go ya ka go tleloko ye. Ge e no ba mphiri wa go otloga, e ka se lle gabotse. E swanetše go ba le mehuta yohle ya dimateriale di lahletšwe ka go yona, go e dira e lle mohuta wa maleba wa segalo. Gomme monna yo a beilego sekgoloki, le go beakanya sekgoloki, o tseba tlwa se go se tšego go ya ka go moubelo, se go se tšego go ya ka go metale wola—wola, go dira tleloko yela go letša segalo sela.

46 Modimo ke Moubelo wa rena wo mogolo. Modimo ke . . . Yena ke Leuba le legolo la Mohlwekišiši, gore moo A swanetšego go bea dilo tše godimo ga rena, le meleko, le ditlhomaro le dilo, go e kgoloka mmogo, go dira bopaki bja rena bo lle nako ye e itšego, le noute ye e itšego ye A nyakago e lla ka go letšatši le le itšego.

47 Re dirilwe go fapana. Bohle re dirilwe go fapana. Re bona go fapana. Eupša bohle re bona selo se tee, yoo ke Jesu Kriste. A re Mo lebelelego. Gomme tsela e mnoši o ka kgonago go Mmona . . . Ge A lebelega go thulana le Lentšu le, ga se wa Mo lebelela, ka gore Leo ke Yena. Kafao, ge o bona thutotumelo goba o bona kerekeleina tsoko ye o nogo go e nagana, “Ke nna wa yela, gomme yeo e lekanetše.” Ge e sa lebelele Lentšu lela, gona lebelela kgole go tloga go yona. Lebelela go Lentšu lela! Gomme seo ke se re se lebeletšego, Kriste, ponagalo ya Lentšu la Modimo, Yena ke bohlatse bja Lentšu la Modimo.

48 Bjale, dilo tšohle tše kgolo tše, gomme di diregilego tlase kua go—go baratani ba bannyane ba, go bonala go se tlwaelege. Eupša, go ka no bonala go se tlwaelege go bona, eupša yohle e be e šoma mmogo botse.

49 Bjale toro ya Josefa, ke rata go bolela ka yeo nakwana feela. Ke na le Lengwalo le ngwadilwe mo bakeng sa yona. Modimo o dirile, dinakong tšohle, mabakeng ohle, o boletše le batho ba Gagwe, gomme o ikutolotše Yenamong ka ditoro.

50 Bjale, ditoro ga se netefatšo. Toro ye nngwe le ye nngwe ga e tšwe go Modimo. Bjale, go ne batho ba bantši bao ba nago le ditoro, gomme ba ne mehuta yohle ya ditoro. Gomme o ya malaong bošego, le go ja selalelo se segolo le go ya malaong, gomme o ka no lora e ka ba eng. O ka no ba le letadi, gomme o ka no ba le mehuta yohle ya dikatapowana, le go ya pele, yoo ga se Modimo. Eupša, efela, Modimo o mekamekana le batho ka ditoro.

51 Re hwetša Josefa pele, morwa wa Jakobo, ka fao a bego a le moprofeta. Gomme moprofeta o kwešišitše ditoro. Bjale, ge toro e hlathollwa, gona e ba pono, ke seprofeto.

52 Bjale re hwetša ebile pele ga fao, kgoši Nebukadinsara, le morago ka go Daniele, le tsela yohle morago, gore Modimo o mekamekane le batho ka ditoro, ditoro tša semoya. Ke dumela go tšona. Re na le tšona bjale. Ke makga a makae nka kgonago go paka, makgolo a batho bao ba bilego le ditoro, gomme ka nepagalo ka e hlatholla, e diregile feela tlwa!

53 Eupša toro ke mohuta wa se—se selo sa boikgopolelo. Bjale, nako ye nngwe ka tlase ga tlhahlobo, ke botšišitšwe ka ditoro. Gomme bjale toro ke ge, re a botšwa, o ka go letswalofase la gago. Bjale motho o na le letswalo la pele, gomme ka go letswalo le la pele dikwi tša gago tše tlhano di a dira, go bona, go latswa, go kgwatha, go dupa, le go kwa. Eupša ge o eya go robala, a mahlano a mats- . . . dikwi ga di šome, gomme ka gona o godimo mo ka go letswalofase, leo le dutšego kgole le wena, gomme ka gona o godimo kua, o a lora. Eupša ge o bowa morago le go phafoga . . . Ntle le pelaelo, eupša se go sego motho o tee, ebile go sego motho fa, eupša yo a bilego le toro nako ye nngwe ka bophelong bja gago, ye o sa e elelwago. Ka gona fao go be go le karolo tsoko ya gago, felotsoko, yeo ge o etla morago go dikwi tša gago gape, o sa e elelwago. Mohlomongwe e bile mengwaga ya go feta. Ke elelwa ditoro tše ke bilego natšo ge ke be ke sa le mošemane yo monnyane, ke sa di elelwa; gona go swanetše go ba se sengwe, karolo ye nngwe ya ka, e be e le felotsoko. Bjale, tše ke ditoro, kafao, le a bona, o ile kgolekgole go tloga go dikwi tša gago. Ka gona ge go etla morago gomme o bolela toro ya gago, ge e le ya Modimo . . .

54 Go ka kgona go ba mohlatholli wa ditoro. Beibele e rile, “Ge go na le yo motee magareng ga lena, yo e lego wa semoya, moprofeta, Nna Morena ke tla itira Nnamong go tsebja go yena ka ditoro, gomme ke tla bolela le yena ka dipono.”

55 Bjale re hwetša gore Josefa, morwa wa Jakobo, o be a le mohuta woo wa motho. Gore, ba be ba tla lora ditoro, gomme morago o be a tla e hlatholla. O kgonne go hlatholla ditoro, gomme o bone dipono. Yohle ke tiro ya Moya.

56 Bjale re a hwetša gape, ka go ye, gore ge motho a tswalwa go ba mmoni, goba go bona dipono, o—o . . . o swanetše go bitšwa ka seo, ke Modimo.

57 Hlokomelang, letswalofase la gago *šele*, tlhago, gomme letswalo la gago la pele *šele*. Bjale o swanetše go tšwela ka ntle ga dikwi tša gago, dikwi tše tlhano, go ya ka go borokong, go ya ka go letswalofase, morago go tla morago go yona. Yeo ke toro.

58 Eupša mmoni, bobedi matswalo a thwi mmogo. Ga o ye ka ntle ga dikwi tše tlhano tše, o sa le ka go dikwi tše tlhano, o ema thwi go otloga gomme o lebeletše se se diregago. O a bona, ga o tsoge wa tlogela dikwi tša gago. O thwi fao, o tseba mo o lego le se o se dirago, o bolela mantšu a gago. Bjale, yeo ke—ke mpho ye e kgethetšwegopele. “Dimpho le dipitšo di ka ntle ga tshokologo.”

O a bona, Modimo o dira seo. Ga o ye go robala; o eme ka mahlo a mabedi a bulegile, o lebeletše thwi go otlologa le go bona se o se lebeletšego. O a bona? Gomme se po—po pono e lego, ke ya Modimo, ka nnete.

⁵⁹ Re a robala lehono. Bjo o ke bothata ka lefase lehono, le a robala. Gomme batho ba bantši kudu ba no rata go robala. Eupša ke, ke tla bolela se, ga go mepete Legodimong. Re ka se robale ge re fihla Legodimong, gobane ga go bošego kua. Ga go bošego, kafao o ka se swanele go robala ge o fihla Legodimong, gobane ga go mepete kua.

⁶⁰ Eupša hlokomelang, ge letswalo la rena—la rena, Modimo a ka šomiša karolo ye nngwe le ye nngwe ya rena ge e sokologetše go Yena. Se sengwe le se sengwe re lego sona, ge se filwe ka go felela ka diatleng tša Modimo, le go sokologela go tirelo ya Gagwe, A ka kgona go re šomiša ka ditoro, A ka kgona go re šomiša ka polelo, A ka kgona go re šomiša ka dikwing tšohle. Gomme se sengwe le se sengwe re lego sona, se sokologetše go Modimo, gona Modimo a ka kgona go se šomiša. A le dumela seo? Le a bona, ge re le, se sengwe le se sengwe se sokologetše go Yena, A ka kgona go se šomiša. Ge borena bjohle bja rena bo sokologile, gona Bakriste ba ka kgona go ba le, letšatši le, ditoro tša semoya tše di ka kgonago go ra se sengwe, tše di ka kgonago go ba botšapele dilo. Re a tseba gore yeo ke therešo.

⁶¹ Toro ya semoya e a hlathollwa, e hlathollwa ka maleba, e swana le pono. Gomme pono ke eng? Pono ke ponelopele ya ditiragalo tša ka moso; e bolelelapele selo pele se direga. Gomme yeo ke tsela ye Modimo ka mehla a hlatsetšego ge eba e be e le therešo goba aowa, goba ge eba monna (yo a bego a le ka go Testamente ya Kgale) o be a swanetše go ba moprofeta, se a se boletšego se diragetše. Ka gona ba tsebile; ge monna yo a boletše se, gomme se tšwelapele se etla go phethega kgafetšakgafetša. Bjale, monna yola a ka se kgone go no ba diatla di beilwe godimo ga gagwe, goba go šišinywa, le go fa m—m mpho; o tswetšwe le mpho yeo, e tswetšwe ka go yena ge a tswalwa, pele a tswalwa.

⁶² Lebelelang moprofeta Jesaya, o profetile ka Johane, mengwaga ye makgološupa le lesomepedi pele a tswalwa, o rile o be a le “segalontšu sa yo a goeilelago ka lešokeng.”

⁶³ Lebelelang Jeremia, pele ebile a ka ingwa ka popelong ya mmagwe, ge a be a sa le kua, Modimo o rile, “Ke go tsebile, le go go hlwekiša, le go go bea moprofeta go ditšhaba.” Le a bona? “Dimpho le dipitšo di ka ntle ga tshokologo.”

⁶⁴ Gomme o ka kgona feela go ba, yo a ka kgonago feela go šoma ge fao go le selo se sengwe fao sa yona go šoma ka sona. Boka ge go ne seatla se setona go šoma, gomme o ne seatla se setona, gona a nke se šome bakeng sa Mmušo wa Modimo. Ge o na le mahlo go bona, gona bona dilo tša maleba; dipounama, segalontšu go bolela, bolela dilo tša maleba. E ka ba eng e lego,

dira dilo tša maleba. Gomme fetolela tšohle o nago natšo, go Modimo, go letago la Gagwe.

⁶⁵ Bjale, re hwetša gore kakanyetšopele e bolelelapele ditiragalo tša ka moso pele di direga. Go a tlabo bjalo ka ge go bonala, gore ramaatlakamoka Modimo o boleletšepole, gomme o tšere taba ya Lesea, Jesu, gomme a e utolla ka toro, a dire eng. Bjale gore Modimo, ka tsela ye ya bobedi, go Morwa wa Gagwe Mong, o e utolotše go Josefa ka toro. Beibele e rile O dirile. Ee, mohlomphegi. Bjale, Josefa e be e le monna wa go loka, o be a le morwa wa Dafida, gomme o be a beeleditše Maria.

⁶⁶ Bjale ke tla rata go fetišetša se godimo, pele re eya kgojana. “Go beeletša,” ka Bohlabela, go be go swana le lenyalo, peeletšo semolao. Ka pela ge ba—ge ba be ba beeletšane, ba be ba nyalane. Ge keno ye kgethwa yela gare ga bona e tšerwe, bala Doiteronomio 22:23, gomme le tla hwetša gore ge mosadi yo le monna ba dumelelane go nyalana (efela ga se ba tšea dikeno lebaka la dikgwedi moragwana), ge e bile ba robile keno yela, ba be ba ne molato wa bootswa. Yeo ke nnete. Ge ba be ba beeletšane, ba be ba no swana le lenyalo. Molao o be o se wa ba fa ditokelo go phela mmogo bjalo ka monnamogatša le mosadimogatša nako yeo, eupša pele ga Modimo, ge ba tshepišane seng, mantšu a bona a be a tswaletšwe ka Mmušong wa Modimo. Gomme, go roba seo, e be e no ba go dira bootswa. Gomme bjale Josefa o be a “beeleditše” go Maria. Ge banešu badiredi, ge le ka ithuta seo gabotse, se tla le phumula go taba ye ya lenyalo le tlhalo ye e lego thata kudu—kudu le go fapana magareng ga batho lehono. Bjale hlokomelang Josefa, monnamogatša wa gagwe, e lego monna wa go loka, le a bona, bjale re hwetša gore ye e be e ka se kgone go robja.

⁶⁷ O boditše, o swanetše go be a mmoditše. Kgarebe ye nnyane ye, ye botse, mothepana yo moswa wa Mojuda, o bile . . . Bohle re ba bagolo fa, bokgole bjo ke kgonago go bona. O bile go ba mme. Gomme Josefa a eya le yena, o lemogile se, ga go pelaelo, morago ga ge a mmeeditše, o hweditše gore o be a swanetše go ba mme. Bjale, o be a le monna wa moloki, Beibele e rile o be a le. O swanetše go be a mmoditše ka go hloka molato ga gagwe. Mosadi wa go ratega, ke kgona go mo kwa, feela bjalo ka ge go bile go bolela, “Josefa, mogwera wa ka wa go ratega, monnamogatša wa ka wa go ratega, ga ke ne molato wa se.” Gomme o swanetše go be a mmoditše ka ga ketelo, le yena le Morongwamogolo yo mogolo, gore Morongwamogolo a tlilego go yena, Gabariele, gomme o mo etetše ka maswao a magolo a ao A mmoditšego ka wona, seo se bego se eya go direga.

⁶⁸ Gomme ka gona re a lemoga o, le yena, morago ga ge a bile le ketelo ye, o ile a thaba kudu ka molaetša wa Morongwa, a be a tšela godimo ka go naga ya dithaba ya Judea; go tšwa Nasaretha, mo a bego a le modudiwasetlogo, wa toropokgolo ya Nasaretha, ye mpe kudu, toropokgolo ye nnyane.

69 Gomme ge a fihla godimo kua, motswalagwe Elisabetha le yena o be (a šetše a le dikgwedi tše tshela) go ba mme, yo a bego a bitšwa moopa.

70 Monnamogatša wa gagwe, Sakaria, e be e le moprista ka tempeleng. Gomme letšatši le lengwe ge a be a šišinya meneelo, e bego e le diorelo tše di tukago, a ke re, godimo ga dithapelo tša batho bao ba boletšwego ka ntle. Gabariele, Morongwa wa Morena; bjale, O be a se a bonwa, goba ga go selo se bego se bonwa sa e ka ba eng sa Kagodimogatlhago, lebaka la mengwaga le mengwaga, le makgolo a mengwaga. Eupša mo go be go eme Morongwa yola ka lehlakoreng le letona la aletara, gomme o mmoditše gore mosadimogatša wa gagwe o be a tla ima gomme a belega ngwana, gomme o be a eya go bitša leina la gagwe “Johane.” Gomme bohle re tseba kanegelo.

71 Gomme ka gona ge Gabariele gape, dikgwedi tše tshela moragwana, a etela Maria ka Nasaretha, le go mmotša ka ga tiragalo ya motswalagwe, Elisabetha. Gomme ka gona ka pela, Maria a na le sephiri se segolo se ka pelong ya gagwe, seo se bego se eya go direga, o ile a hlaganela go ya godimo ka dithabeng go bona motswalagwe.

72 Gomme ge Elisabetha a be a ikutile yenamong, gobane o be a sa nyake go bonagala ntle pele ga batho ka seemong se a bego a le ka go sona, gomme o be a ikutile yenamong lebaka la dikgwedi tše tshela. Bjale, go ya ka kwešišo ya ka ya Lengwalo, o be a tshwenyegile, lesea le be le se ne bophelo go fihla nako yeo. Gomme go be go amogelega gannyane go lesea go se šikinyege ka gare, oo, bonnyane dikgwedi tše tharo, goba tše nne, tša nako. Eupša bjale e be e le dikgwedi tše tshela, gomme lesea le be le se la ke la šikinyega. Kafao ge Elisabetha le Maria ba kopane seng sa bona, bona, ga go pelaelo, ba gokarane seng, ba gokarane seng sa bona, bjalo ka batswala, gomme—gomme ba be ba thabile kudu go bonana seng. Gomme a re nong go nagana ka se ba se boletšego. Ke kgona go kwa Elisabetha a re go Maria, “Oo, moratwa, o lebeba botse kudu.”

Gomme Maria o rile, “O a tseba, ke a tseba gore o swanetše go ba mme.”

73 “Ee, ke mohuta wa go ntshwenya, gomme ke dikgwedi tše tshela gomme lesea la ka ga se le ešo la šikinyega.”

74 “Oo, eupša ke na le se sengwe go go botša, ke no se kgone go se swara botelele bjo bo itšego!”

75 Le a tseba, go na le se sengwe ge o kgomane le Modimo, o ka se kgone go homola ka sona. O no swanela go bolela se sengwe ka sona, ke gore, ge o na le ya kgonthe, tshokologo ya therešo. Ga ke kgathale moo o lego, o swanetše go e hlagašha felotsoko.

76 Gomme ke kgona go mo kwa a re, “O a tseba, ke na le se sengwe go go botša. Ke ya go ba le lesea, le nna!”

77 “Oo,” go boletše Elisabetha, “Ke a nagana gona... Gobaneng le se la re mema monyanyeng, wena le Josefa, ge mafelelong le be le nyalana? Ke a tseba le be le beeletšane, eupša gobaneng le se la ntaletša monyanyeng?”

“Oo, ga re ešo re nyalane.”

“Gomme o ya go ba le lesea?”

“Ee!”

“Gabotse, Maria, ga—ga—ga ke kwešiše gabotse.”

78 “O a tseba, Morongwa wa Morena o bonagetše go nna, Gabariele. O bile Yena yoo a mpoditšego gore o be o swanetše go belega. O bile Yena a mpoditšego. Gomme O rile Moya wo Mokgethwa o be o eya go nkukamela; gomme Selo se Sekgethwa sela se tla tswalwago ke nna, e tla ba Morwa wa Modimo. Gomme ke tla ‘bitša Leina la Gagwe “JESU,” ka gore O tla phološa batho ba Gagwe go tšwa dibeng tša bona.”

79 Gomme lekga la mathomo mo Leina lela la go makatša le kilego la bolelwa ke dipounama tša motho; Johane yo monnyane, a hwile ka popelong ya mmagwe, a taboga ka lethabo, gomme a amogela Moya wo Mokgethwa, a hwile ka popelong ya mmagwe. Ge—ge maatla a go bolela ka Leina la Jesu Kriste a tla tliša lesea le le hwilego bophelong ka popelong ya mme, a swanetše go dira eng go kereke ye e tleleimago go ba mohlanka wa Gagwe, e tswetšwego ka Moya wa Gagwe? Bjalo ka ge Elisabetha a be a gakanegile kudu, ge a lebeletše Maria, o rile, “Mmago Morena wa ka o tšwa kae, mmago Morena wa ka? Ka gore ka pela ge tumedišo ya gago e tla ditsebung tša ka, lesea la ka le tshetše ka popelong, ka lethabo.” Johane o tswetšwe, go tšwa popelong ya mmagwe, a tletše ka Moya wo Mokgethwa, ka Leina la Jesu Kriste! Ke mohuta ofe wa lesea le le swanetšego go ba?

Ga go pelaelo gore o anegile se go Josefa.

80 Bjale le a bona, Josefa, ka go ba monna wa go loka, o bile mohuta wa go makala, “O a tseba, bjale ke a tseba ge eba o swerwe ka bootsweng, selo sa pele se ya go direga go yena, o ya go kgatlwa ka maswika. A ka se kgone. . .”

81 Ba ka se kgone go phela ka tsela yeo. Beibele e boletše gore, “Ge mothešana yo a beeleditšwego, a le ka toropongkgolo, gomme a katwa ke monna, gomme ge a sa goelele, gona bobedi bja bona ba kgatlwa ka maswika mmogo, ba a bolawa. Eupša ge a le ka nageng, le ka tšhemong, gomme o a goelela gomme ga go yo a kgonago go mo kwa, monna o swanetše go bolawa, yena o swanetše go phela.” Bjale gona, kotlo ya seo, yeo ke Doiteronomio 22, moo ke le kgopetšego go bala nakwana ya go feta.

82 Bjale hlokomelang bjale, ka go se, re hwetša gore o be a swanetše go ba mme, a se a nyalwa. Kafao, go Josefa, go bonagetše o ka re Maria o be a leka go mo dira a be kotse ya gagwe go tšwa go bakweri le basomi, le a bona, Josefa o be a

swanetše go ba kotse ya gagwe; a ye pele le go mo nyala, go le bjalo, le go ba kotse ya gagwe, eupša e sego go ba monnamogatša go yena ka go—go tswalano ya lapa, eupša go be go swanetše go ba . . . o be a swanetše go ba ko—ko kotse ya gagwe.

⁸³ O be a nyaka go mo dumela, ka kgonthe ke—ke dumela seo. O be a nyaka go mo dumela, eupša kanegelo ya gagwe e be e se ya tlwaelega kudu. Go be go le bothata go, go modumedi yola, go dumela.

⁸⁴ Gomme le ntshwarele, banna. Gomme go bjalo le lehono! Kanegelo ya Maatla a Moya wo Mokgethwa godimo ga lefase lehono, ka Kerekeng, ke ya go se tlwaelege kudu go mokgatlo le monagano wa kerekeleina; go fihla gore ba nyaka go Le dumela, eupša ga se La tlwaelega kudu, Ke la go makatša kudu. Eupša ke Therešo! Beibele e rile go tla ba ka tsela ye, gomme Lona šele. Banna ba bantši ba tlemilwe ka go thutotumelo tsoko, ka kgonthe ba nyaka go dumela Leo, eupša Lona ga se la tlwaelega kudu o no se kgone go e dira. Ga—ga—ga a tsebe a dire eng. O no ba ka go—ka go bothata boka Josefa a bile.

⁸⁵ Beibele e rile, “Ge a be a sa nagana ka dilo tše,” le a bona, o be a le monna wa go loka, gomme o be a sa nyake leina la gagwe mong le senyege; gomme efela o tsebile, ge mosadi yola a be a le ka tsela yela, gore o be a ka se kgone go mo nyala, o be a swanetše go ba mme ka monna yo mongwe. “Gomme go le bjalo,” o rile, “yola wa go hloka molato, mosadi yo monnyane, bophelo bja gagwe bo be bo le bjalo ka lili ya go hlweka, gomme ke nyaka go mo dumela, eupša ga—ga ke tsebe ke dire eng.”

⁸⁶ “Ge a be a sa nagana ka dilo tše, o be a nagana nako yeo go mo tlogela sephiring. O rile, ‘Nka se dire tšhitišo e ka ba efe ye kgolo ka yona.’” Bjale elelwang, o be a sešo a tsoga a tšea keno, eupša o be a beeleditšwe. Eupša o be a tla mo tlogela sephiring. “Gomme ge a be a sa nagana ka dilo tše, ‘go mo tlogela sephiring,’” le a bona, e tlile go bokaonekaone bja tsebo ya gagwe. Le a bona, o be a le monna wa moloki, gomme monna wa go loka.

⁸⁷ Ngwanešu, kgaetšedi, a nke ke bolele se. Ge o lokile, ge o botega ka pelong ya gago, gona Modimo o tlamagile go utolla selo go wena.

⁸⁸ Josefa, monnamogatša wa gagwe, e le monna wa go loka, o ile a naganišiša ka dilo. Go be go se gwa tlwaelega kudu, bjalo ka ge ke boletše, o—o be a sa kgone le go kwešiša seo. “Dilo tšeo di be di ka kgona go ba bjang?” Eupša yena, ga go pelaelo, o dutše fase, o e rapeletše, o ithutile yona ka Mangwalong. “Dilo tšeo di be di ka kgona go ba bjang?” Ge a be a sa ithuta, Morongwa wa Morena o bonagetše go yena, ka torong. O be a se moprofeta. Gomme go be go se moprofeta lefaseng ka matšatšing ao, ga go yo a bego a ka kgona go tla go yena ka O RIALO MORENA, kafao Morena o tšere tsela ya bobedi. Ke ka baka leo Modimo a tšeešego taba ya Morwa wa Gagwe Mong, go motho, ka toro; gomme a Mmea

ka Egepeta, le go Mo tliša morago ntle; le go Mo uta, go tšwa go banna ba bohlale, goba banna ba bohlale ba ile ka tsela ye nngwe. Go be go se moprofeta ka nageng, kafao O tšere sa bobedi, toro. Eupša go be go le banna ba ba bego ba se ba tswalwa go ba mmoni, eupša ba be ba le banna ba go loka, gomme, ge ba dirile, Modimo o ba etela ka go letswalofase la bona, gomme a ikutolla Yenamong.

⁸⁹ Ge o ka no ineela wenamong go Modimo, Modimo o ne ditsela tše dintši tšeo A ka kgonago go ikutolla Yenamong go wena. Le a bona? O ka no se be, o ka no se be moprofeta, o ka no se be morutiši, o ka no se be morutiši wa sekolo sa Lamorena, o ka no se be moreri, eupša go na le ditsela tše Modimo a ka kgonago go ikutolla Yenamong go wena, le a bona. Ge eba e ka no ba ditoro, e ka no ba ka tsela ye nngwe, ge o ka no ineela wenamong boka Josefa a dirile.

⁹⁰ Ga go pelaelo o rile, “O Jehofa yo Mogolo, Modimo, ke—ke tlile ka lešika la Dafida. Gomme ke—ke nna monna wa go loka; ke a holofela ke yena, ke tshepetše go se O se boletšego go ba Therešo. Gomme morategi wa ka, moratiwa yo monnyane fa, yoo ke nago le yena, ke mmeeditše. Nna, go mo tlogela ka mokgwa wo mongwe, ke—ke na le molato wa go dira bootswa. Gomme o swanetše go ba mme, gomme ga ke mo tsebe bjalo ka mosadimogatša. Dilo tše ke eng, Morena?”

⁹¹ Le a bona, o be a se moprofeta, kafao O be a sa kgone go bolela le yena ka tsela yeo. Kafao O—O mo tlogetše a ya go robala, gomme a romela Morongwa wa Morena go yena, ka torong. Amene. Morongwa wa Morena o tlile go yena, ka torong, gomme a mo kgwatha, gomme a re, “Josefa, wena morwa wa Dafida, se boife go itšeela Maria mosadimogatša wa gago, gobane Seo a se imilego ka go yena ke sa Moya wo Mokgethwa.” Ke lena bao, “Seo se lego ka go yena, ga se monna tsoko, Moya wo Mokgethwa o dirile se. Mosadi o boletše therešo. Kanegelo ye ya go se tlwaelege, selo se sa go se tlwaelege seo se diregilego, Josefa, seo se go dirilego o kgeige gohle, ke sa Moya wo Mokgethwa.”

⁹² Oo, Modimo yola wa go swana o sa phela bošegong bjo! O sa ne letswalofase. Gomme le na le . . . Lena Bakriste, ge selo se bonala e se sa tlwaelega go lena, gore le bona seo, ge se sa le thwi tlwa le Lentšu, gona Modimo a ka kgona go utolla dilo tša go se tlwaelege ka ditsela tše ntši.

⁹³ Kafao O boditše Josefa, “Wena morwa wa Dafida, se boife go itšeela Maria wa gago, mosadimogatša wa gago.” Elelwang, o šetše a le mosadimogatša wa gagwe. “Itšeela Maria, mosadimogatša wa gago, gobane Seo se imilwego ka go yena ke sa Moya wo Mokgethwa.”

⁹⁴ Bjale, nako yeo Modimo o rometše Morongwa wa Gagwe, gomme a e utolla, kutollo ya Gagwe ya toro e tlile go Josefa; o

tsebile, go be go se sephiri ka go yona. Morongwa o tlile go yena ka torong. O bone Morongwa ka torong ya gagwe.

⁹⁵ Bjale, moprofeta, goba mmoni, ga a ye go robala, o bona Morongwa a eme fa. Monna yo mongwe o no ya go robala, gomme o bona Morongwa.

⁹⁶ Gomme Morongwa o rile, “Bjale, Josefa, ga go na le thai, ga go yo mongwe fao a ka kgonago go go hlathollega yona. Kafao, Ke ya go go botša ka yona. Ke ya go e dira kgonthe go wena, gobane ga a gona a ka kgonago go e dira kgonthe. Bjale se boife go tšea Maria, mosadimogatša wa gago, gobane Seo a se imilego ka go yena ke sa Moya wo Mokgethwa.”

⁹⁷ Ka gona ge Josefa a tsogile go tšwa borokong bja gagwe, oo, pelo ya gagwe e swanetše go be e tletše bjang ka tumelo ye mpsha ya go tswalwa. Sephiri sela se bego se mo tshwenya, selo sela se sengwe a bego a nyaka go se dumela, eupša gore se sengwe seo a ilego a leka go se dumela, se be se se sa tlwaelega kudu, efela se dirilwe go tsebja go yena ka toro. Tumelo ye mpsha e tabogetše godimo ka bophelong bja gagwe. Oo, nna! O bile le tumelo ka go Modimo. O bile le tumelo ka go mosadimogatša wa gagwe, gona; bobedi tumelo ka go Modimo, le lerato go mosadimogatša wa gagwe, le lerato ka go yena yoo a mo ratilego. Ga go sa na le potšišo, ga go sa na le potšišo ka yona. O tsebile yoo e be e le Morongwa wa Morena. O tsebile gore Modimo o be a utolotše go yena feela tlwa potšišo ye e bego e le ka monaganong wa gagwe, kafao dipotšišo tšohle di be di ile.

⁹⁸ Gomme ge Modimo, ka tsela efe kapa efe yeo A dumago go e dira, a utolla go wena potšišo yeo e lego ka monaganong wa gago, ga go sa na le pelaelo, ga go sa na le potšišo ka yona. Ke kutollo.

⁹⁹ Ge o bona se sengwe mo ka Lengwalong, o re, “Gabotse, bjale, ke a dumela seo e be e no ba sa baapostola. Ke a dumela Jesu o dirile seo ka matšatšing a a fetilego.”

¹⁰⁰ Eupša Beibele e rile, “O a swana maabane, lehono, le go ya go ile, feela Jesu wa go swana.” Gona ge seo se bonala go ba potšišo go wena, gomme o e naganišiša, ga o kgone go e hlaologanya, gomme o bona selo se direga, gomme o makala ka sona; gona Morongwa wa Morena, ka tsela ye nngwe, ge o ka hlokofala, o tla e utolla go wena. Gomme ka gona ga e sa le potšišo, ke therešo nako yeo. Oo! Gomme ka gona o ka kgona go goelela le go goeletša, “Oo, ke leboga kudu!”

¹⁰¹ Ke kgona go eleletša ka fao Josefa a ikwetšego ge seo se direga, e bile sohle. . . sephiri se be se fedile nako yeo. Ka gona, gomme ge se se dirilwe, o hweditšwe a thakgetše, gobane o be a thabile. Bjale re hwetša gore, ka bjako, o mo nyetše. Oo, o be a se sa le potšišo nako yeo. O itšeetše Maria, mosadimogatša; gomme a se mo tsebe, bjalo ka mosadimogatša, go fihla Ngwana. O be

a thabile ka yona! O be a thabile go ba kotse ya Maria. O be a thabile go rwala kgobogo ya gagwe.

¹⁰² Ge motho a ka kgona go utollwa gore Jesu Kriste o a swana maabane, lehono, le go ya go ile; ga go kgathale ke dithutotumelo tše kae di lekago go e retollela morago, o thakgetše go ba kotse. O thabile go ba kotse. A nke ba bolele e ka ba eng, o na le kotse ye kgolo godimo kua go phepha mesebe ya go fiša.

¹⁰³ Ke a holofela ga ke ba hlahlawetša kudu ntle fale. A nke ba Le kwe, le bona, ba swanetše. Hlokomelang. Ee, mohlomphegi.

¹⁰⁴ O thabile go ba kotse. O legogwa la mojako, eng kapa eng e nyakago go ba, ga go tshwenye; e utolotšwe go wena ke Morena. Morena o e bontšhitše go wena ka Lentšu la Gagwe, ke therešo; gomme ka gona a e tiišetša go wena, go e dira e phele gape. O re, “Šeo yona! Nna, ga se gona se yago go . . .”

¹⁰⁵ Ga go motho ebile a nago le tokelo go rera Ebangedi go fihla a etla sefahlego ka sefahlego le Modimo. Yeo ke nnete. Ga go motho a swanetšego go ba ka phuluphithing ntle le go amogela kolobetšo ya Moya wo Mokgethwa. Jesu o romile barutiwa ba Gagwe, “E sego go rera gape, eupša go leta ka toropongkgolo ya Jerusalema go fihla le hlamišwa ka Maatla go tšwa Godimo.” Šetšang se Moya wo Mokgethwa o se dirilego ge O etla. Gomme Moya wo Mokgethwa ke Modimo.

¹⁰⁶ Moya wo Mokgethwa ke Tatago Jesu Kriste. Mateo, tema ya 2 gomme temana ya 20, e bolela gore, “Maria, mme wa Gagwe, ge a be a beeditšwe ke Josefa, o hweditšwe ka Ngwana wa Moya wo Mokgethwa.” Moya wo Mokgethwa ke Tatago Jesu Kriste.

¹⁰⁷ Gomme ge Moya wo Mokgethwa o etla le go utolla Lentšu, le go Le dira le phele feela tlwa, gona Ke kutollo go lena, le a Le bona, Le phutholotšwe, Le tshepišitšwe bakeng sa iri.

¹⁰⁸ Josefa o bone seo, gore seo e bile seprofeto sa Jesaya se phethagaditšwe. Jesaya 9, “Re tswaletšwe Morwa, re filwe Ngwana. O tla bitšwa, ‘Moeletši, Mokgoma wa Khutšo, Modimo yo Maatla, Tate wa Gosafelego.’ Gomme ka Mmušo wa Gagwe go ka se be le bofelo.” O tsebile yoo e be e tla ba Mang, gobane o—o bone selo ka moka ge Morongwa wa Morena a mmoditše se, gore “Šeo a se imilego ka go yena ke sa Moya wo Mokgethwa.” “Kgarebe e tla ima gomme e tla belega Morwa.” Bjale, seo e be e le sephiri se segolo, leswao la godimodimo le Modimo a le filego lefase lohle, leswao la godimodimo gore Yoo e be e le Morwa wa Gagwe.

¹⁰⁹ Bjale, hlokomelang ge re eya pele bjale. Nka se tšee botelele kudu, ke leka go se ke. Hlokomelang ge re hwetša, go ya pele, ge Jesu . . . Bjale ke a nagana ge . . . Bana ba bannyane mo ba ka se ke, ba kwešiša, eupša ke swanetše go bolela se sengwe mo gore ba bagolo ba tla . . .

¹¹⁰ Ge Kriste Jesu a be a bopša ka go Maria, moo ke ge tlhomaro e tsena. Yeo ke nnete. Yeo ke nnete. Moo ke ge tlhomaro ya gagwe e thoma.

¹¹¹ Gomme ke selo sa go swana ka go wena. Bagalatia 1, goba Bagalatia 4:19, e bolela gore, “Ge Kriste (kholofelo ya Letago) a bopegile, a bopegile ka go wena.” Kriste o bopega ka go wena, ge o ehwa gomme Kriste o tla Bophelong. Šetšang tlhomaro e tsene, šetšang bothata bo thoma go seatla se sengwe le se sengwe, šetšang diabololo a eya ka mapelompete, nnete, ge Kriste a bopša ka gare gago.

¹¹² Gomme ge Kriste a be a bopša ka gare ga Maria, ka pela go tlile taelo ya kgoši, “Lena batho bohle!” Feela bjalo ka ge a be a le. . . Kriste o be a eba Lesea la go tlala, a le komana go belegwa, thwi nako yeo tlhomaro ye kgolo.

¹¹³ Bjale le—le lesele le be le bopša lebakeng la nako ye telele, go bapa, ka popelong. Eupša mo go tla matšatši a mafelelo, ge go felelela, ge botlalo bja Modimohlogo, ge botlalo bja Kriste, bo swanetše go bonagatšwa magareng ga batho ba Gagwe. O boletše bjalo, O e tshepišitše ka go Lentšu la Gagwe. Gomme ge botlalo bjola, le a bona, go na le dilo tša go se tlwaelege di thoma go direga, tšeo A di tshepišitšego. Ke ka baka leo maphelo a rena a magolo a leago le dilo ga a kgone go kwešiša seo, Ke bošilo go bona. Bjale šetšang, ba bopa Khansele ya Dikereke, le a bona. Feela nako ge Kereke e thoma go fihla maotong a Yona, moo sa Kagodimogatlhago se thomago go šoma, bjale bohle ba ile ka go sehlopha, gomme bjale ba ya go leka go emiša selo se. Feela tlwa boka go bile nako yela.

¹¹⁴ Bjalo ka ge ke boletše Mokibelo wa go feta, ka Phoenix, Bafilisita ba rakeletše Bethlehem, gore batho ba ka se kgone go tla, ntle le ge ba etla ka Khansele yela ya Dikereke. Oo, ba tla ba iša sedibaneng sa magakwa; e sego go meetse a maswa a Bethlehem, ka nnete aowa. Bjale re a hlokomela.

¹¹⁵ Ka gona, ge kgoši a file taelo ya gagwe, feela ge Kriste a be a bopša. Bjale a re ba tšeeng feela nakwana, a re ba šetšeng, re ba rwalela feela gannyane nthatana pele re tswalela.

Ke kgona go bona Josefa a re, “Maria, moratwa, kgoši yela ye sehlogo!”

¹¹⁶ Eupša o be a tla re, “Theetša, Morategi, Elelwa, Moya wo Mokgethwa o mpoditše gore ‘Leina la Gagwe le tla bitšwa JESU, gomme O tla phološa batho ba Gagwe go tšwa dibeng tša bona,’” batho ba Gagwe go tšwa dibeng tša bona. “Bjale, Josefa, morategi, ga go kgathale se se diregago, le se kgoši a se bolelago, ke a kgona. Nka kgona go dula godimo ga moula wo monnyane. Ke dimaele tše mmalwa godimo go dikologa dithaba tše tša maswika, le go ya pele. Gomme ge re ka direga go hloka thušo ye nnyane, go tla ba ba bantši mo leetong, gobane ga se rena lapa le nnoši. Go na le ba bangwe bao ba tlaišegilego

selo sa go swana re nago le sona, kafao go na le ba bangwe go bapa le tsela. Gomme re ka kgona mohuta wa go ya mmogo le lešaba ka moka ge ba eya go rotoga thaba, le—le go ya godimo ka Bethlehem.” Ka gore, go tloga Nasaretha, ba tlile godimo go kgabaganya thaba.

117 Bjale re hwetša gore o swanetše go be a hweditše tonki ye nnyane, gomme—gomme a mo fepa ka sehlopha sa tlaleletšo sa furu le outse letšatši leo, gobane mohumagadi yo monnyane o be a le boima gabotse. Kafao o mo nametša godimo ga moula wo monnyane, gomme a bea mokotlana wa meetse le dipisikiti di se kae tše nnyane; gomme a hwetša tonki ye nnyane, gomme a swara lepara la gagwe ka seatleng.

118 Gomme ba thoma go rotoga tsela, godimo, moula wo monnyane o a thekesela le go wa. Oo, lebelelang se moisa yo monnyane yola a se rwelego! Lebelelang morwalo wa gagwe, se o lego sona! O rwele Kriste go ya go lefelo la Gagwe la matswalo. Gomme fa, mosadi yo monnyane yo a dutšego godimo fale, ka bohlokong, go belega, a swaretše go boetse bja moula wo monnyane, gomme o bolela le yena ge a eya go bapa le tsela.

119 Ke kgona go ba bona, letšatši lohle, ba be ba tla ema gomme o be a tla mo khutšiša, gomme, “Morategi, a o—a o lapile kudu?”

120 “Aowa, morategi, ke gabotse. Ke gabotse. Gabotse, a o ka nyaka go namela lebakana?”

“Aowa, morategi, wena dula fao.”

121 Gomme o be a tla mmea go tloga go tonki ye nnyane, le go mo tlogela a khutše lebakana, morago a mo fa seno sa meetse, le sangwetše ye nnyane. Gomme a mmea morago godimo ga moula.

122 Mafelelong, go thoma go ba leswiswi. Basepedi go bapa le tsela, ba kgona kudu go sepela ka lebelwana, gomme ba be ba etla go feta. Gomme o be a swanela go hema lerole la ka moka ga bona godimo ga dipere le dikarikana, le go ya pele, tšeo di bego di kgona go ya godimo ga lona. Gobane, o be a swanetše go sepela ka go nanya ka kgonthe, ka lebaka la seemo sa gagwe. A selo sa sehlogo go romela mme yola godimo fale ka go seemo sela! Eupša ke kgona go no eleletša bjale, ka go terama ye nnyane, ge ba etla godimo ntlhoreng ya thaba. Bethlehem e dutše ka gare . . . mohuta boka moedi, gomme ka go le—le lehlakore la bodikela la thaba, la—la Bethlehem, thaba moo mohlala wo monnyane o tlogo godimo.

123 Ke no kgona go ba bona bjale, ka go terama ye ke e bolelago. Go ba leswiswi. Gomme Josefa o phophola ka lepara la gagwe, go bapa, ge a tšea go kgaoletša mo gongwe le mo gongwe a kgonago. Moo tsela e rarelago go dikologa ka tsela *ye*, moo karikana e bego e swanela go ya, gabotse, ka kgonagalo o be a kgaoletša go leka go boloka nako, go tšwa leroleng, le mosadimogatša wa gagwe yo monnyane. Dinaledi di thoma go tšwela ntle.

¹²⁴ Gomme, morago ga lebakana, o tla godimo ntlhoreng ya thaba. Gomme, goba, gatee gape ba lebelela godimo ka toropongkgolo moo bobedi ba tswaletšwego, godimo ka Bethlehem, dietsa tša toropokgolo. Ba bantši ba be ba le fao, mafelo a be a pitlagane, batho ka ntle, ba robetše mobung, ntle go bapa ka mašemong. Gomme potšišo, mohlomongwe lekga la mathomo, nako yeo ya ratha monaganano wa Josefa. “Ke tla dira eng ge nka se kgone go hwetša lefelo, gobane Lesea lela le ka no tswalwa bošegong bjo. O bile ka lešokong letšatši lohle. Kafao, bjale, go ka reng ge Lesea lela le swanetše go tswalwa bošegong bjo?”

¹²⁵ Ge a be a eme fale a lebeletše tlase go kgabaganya moedi, a makala, mahlo a gagwe a diregile go lebelela ka mathoko, gomme o bone pono ya go se tlwaelege. Le a tseba, ka mehla ke thwi mo nakong ya bothata, ge dilo tša Kagodimogatlhago di direga. O lebeletše godimo kua gomme o bone Naledi. O be a se a ke a elelwa a bona e tee ye kgolo bjalo. E be e lebege fase kudu, gomme E be e lekeletše thwi godimo ga Bethlehem. O lebeletše godimo, gomme a retologa, morago ga ge a thušitše Maria godimo ga leswika go khutša lebakana le lennyane. O retologile go dikologa go re go yena, “Morategi, a o kile wa hlokomela. . .” Gomme ebile o kgonne go bona ponagatšo ya Yona ka go a gagwe a mabotse, mahlo a maso, ge a dutše le go lebelela, a myemyela. O rile, “Morategi, a Yeo ga e tlabē?”

¹²⁶ O rile, “Josefa, hani, ke šeditše Yela ge e sa le letšatši le sobetše. Ke be ke šeditše Naledi yela. Ka mokgwa wo mongwe goba wo mongwe, ke ikwela go se tlwaelege ka kgonthe bošegong bjo, gore se sengwe se lokela go direga.” Gabotse, ka mehla go ka tsela yeo, le a tseba, o na le maikutlo ao a sego a tlwaelega.

¹²⁷ Gomme a thoma go šetša Naledi, le Josefa; mo, moula wo monnyane o tšea khutšo ya gagwe, o hema. Gomme ba šeditše Naledi. E bile le tiro ya boarogi go Yona. E be e sa dire boka dinaledi ka moka. E bonagetše e sa dudišege, e sepela. E be e letile se sengwe, e šeditše se sengwe go direga. Bjale a re tlogeleng banyalani ba rena ba bannyane ba dutšego mo godimo ga le, godimo ga leswika le, motsotso.

¹²⁸ A re yeng ka menaganong ya rena le go ya, kgole makgolo a dimaele, kgole ka Bohlabela, Babohlale, godimodimo ka Bohlabela, ka India. Bošegong bjo, bjalo ka ge e be e le setlwaedi sa bona, bona bohle, ge naleli. . . letšatši le sobetše, dinaledi di tšwetše ntle, ba ile godimo thabeng, ba tsene ka toreng, mohuta wa go swana le tora ya go hodišiša. Gomme ba fihlile godimo kua go—go rapela, le go ithuta. Gomme ba—ba be ba swara nako ka dinaledi. Gomme ba ithutile ditiragalo, gomme—gomme ba be ba eya godimo kua gomme ba be ba ithuta go—go wa ga maatla, le ga ditšhaba, le go phuhlama ga—ga—ga ditšhaba, le go ya pele, ga mebušo. Gomme ka fao ba be ba tla, ba be ba tla nagana ka yona le go bolela ka yona. Gomme ba be ba tseba tšona dinaledi,

ye nngwe le ye nngwe ya tšona. Ba be ba di tseba boka re tseba Beibele. Mosepelo wo mongwe le wo mongwe di bego di o dira, o be o era se sengwe.

129 Gomme, le a tseba Modimo ka mehla o bega ditiro tša Gagwe ka magodimong pele A dira lefaseng, go le bjalo. Badiredi ba tseba seo.

130 Ba be ba le kua, ba šeditše dinaledi, gobane ba a tseba gore go šutha e ka ba gofe, ka pela ba puruputša thwi morago go kgabola Mangwalo go hwetša se e bego e le sona. “O re, ‘Mangwalo?’” Ee, Mangwalo. Ba be ba le Babohlale. Eupša ba be ba le Bomahommadan, ba ba tlogo go ba Mohammedan. Ka kgonthe ba be ba etšwa go Bameda le Baperesia ba kgale. Fao ke mo Bomahommadan ba tšwago gona. Bohle re tseba seo.

131 Gomme, theetšang, ba bile le makgone tlase kua. Gomme ge le nyaka go e bala, ke—ke Daniele 2:43. Daniele, moprofeta, o be a le makgone wa bona ge ba be ba le tlase ka Babilonia. Seo ke tlwa. Daniele o be a le moprofeta makgone wa bona. Gomme o be a ba rutilo dilo tšohle tša Modimo, gobane o be a le makgone godimo ga bona. Gomme o ba boditše gore “go be go tla ba le Letlapa le kgomotšwego thabeng letšatši le lengwe,” le mo elelwa a e bolela, “ntle le diatla. Gomme le be le tla šilaganya mebušo ya Bantle go lefase, le a bona, mebušo yohle, gomme lonamong le be le tla gola le go khupetša lefase.”

132 Gomme, bjale, ba e be e se basedumele, Babohlale ba. Aowa, mohlomphegi. Ba be ba le badumedi. Ba be ba dumela go Modimo o tee wa therešo. Re a tseba yeo ke therešo, Beibele e boletše bjalo. Gomme ge le nyaka go e bala, le bala ka go Ditiro 10:35, moo E boletšego gore “Modimo ga a hlomphe setšhaba, eupša o hlomphe bao ba Mmoifago le go dira toko.” Bjale, efela, ba be ba se tlwa mothalong wa Therešo, eupša ba be ba dumela Modimo wa go swana yo re mo dumelago. Bomohammadan ba dumela Modimo wa go swana re mo dumelago.

133 Ke eme, makga a mantši, go bona moprista yola wa Mohammadan a tšea selo sela se segolo bogolo fale, gomme a itia sehlotlamuši se segogolo bogolo sela ntle kua, gomme a re, “Go na le Modimo yo motee wa therešo le go phela, gomme Mohammad ke moprofeta wa Gagwe.” Re a dumela go na le Modimo yo motee wa therešo le go phela, gomme Jesu ke Morwa wa Gagwe. Le a bona? O re, “A go be kgole le Modimo a na le Morwa.” O nagana e be e swanetše go ba moya, le a bona, kafao o—o rile, “Go na le Modimo yo motee wa therešo le go phela, gomme Mohammad ke moprofeta wa Gagwe.” Ba sa dumela go Modimo yo motee yola wa therešo. Ke bana ba Ishmaele.

134 Bjale re a hlokomela ge ba be ba le, ge Bomohammadan ba be ba ithuta tše, Bomohammedan bale go le bjalo, ba nno bitšwa Babohlale, gomme ba be ba šetša dinaledi tšela. Ba be ba tšhuma mollo bošego, e be e le mollo wo mokgethwa. Gomme ba direla

Modimo wa bona, ka mello ye mekgethwa ye, ge e tuka bošego. Gomme ba šeditše gomme ba rapela. Gomme bošego bjo bongwe le bjo bongwe ba be ba namela godimo fa ka pela ge letšatši le sobetše, gomme ba be ba ithuta dilo tše. Go no swana le ge re etla mmogo ka dikhonferense le go ithuta Beibele, gomme Lentšu ka Lentšu. Gomme ba be ba tseba mosepelo wo mongwe le wo mongwe wa tšona dinaledi.

¹³⁵ Gomme bošego bjo bongwe ge ba be ba le godimo kua, ba ithuta. Gomme ga go makatše go be go tšhoša kudukudu ge Moeti a tšweletše magareng ga bona, Mosetsebje, ba be ba se ba ke ba tsoge ba bona Naledi yela pele. Ba be ba sa tsebe go reng ka Ye, ga go makatše ba be ba tšhogile. Ke tla eleletša, bošego bjohle botelele ba E šeditše. Ba be ba sa tsebe ba dire eng ka Yona. Nna, E, E be e le Mosetsebje. Ka go sehlopha se segolo sela kua, ba be ba hweditše Naledi e lekeletše thwi mo, gore E be e le Mosetsebje, tiragalomatlabi. Ba be ba se ba ke ba tsoge ba bona e ka ba eng boka yeo. Kafao, ka pela ba thoma go epa morago ka Mangwalong go bona se sohle ye e lego ka sona. Nnete, ga se ba kgone go hwetša selo ka go sengwalwa sa bona beng. Eupša ba ile morago go Daniele, gomme ba hweditše, “Go tla Letlapa. Naledi ya Jakobo e tla tsoga,” gore ba tsebile go be go le se sengwe se direga. Ba swanetše go be bohle ba bile le thapelo, gomme ba ile go robala; ba E ahlaahla, mmogo. Gomme ba swanetše go be ba lorile bošegong bjoo gore Kgoši ya dikgoši e be e tswetšwe lefaseng.

¹³⁶ Ka gore, re a botšwa ka go setsopolwa sa kuranta, ya Babohlale kua, gore ge dinaledi tše tharo tšela di lokologane le go dira naledi e tee, gore Mesia nako yeo o be a le lefaseng. Gomme gabotse ba be ba le Bajuda godimo kua, ba ithuta, ba hwetša thuto ya bona ka thutadinaledi. Kafao nako yeo ge ba—ge ba bone yeo, ba tsebile gore Jesu o be a tswetšwe felotsoko. Gore ba be ba sa tsebe mo e bego e le gona, eupša ba swanetše go be ba gogile mahlaka go hwetša se ba ka se dirago, feela bjang, ke mang a bego a eya go ya. Yo mongwe le yo mongwe o be a nyaka go ya, yo mongwe le yo mongwe. Eupša ka mehla ba tšea, bjalo ka ge ke boletše lebakana la go feta, tharo ke hlatse, go hlatsela, go tla morago le go ba botša ge eba ke therešo. Kafao ba dirile eng? Ba laišitše lehumo la bona, ba laišitše dimpho tša bona, le se sengwe le se sengwe, go Mo išetša.

¹³⁷ Ke no makala bošegong bjo, ngwanešu, kgaetšedi, ge eba rena nako ye nngwe, ka mehla re leka go bona ke bontši gakaakang re ka kgonago go bo hwetša renabeng, mola re swanetše go be re efa se re nago le sona, go Kriste. Le a bona, e sego go ithuta ka fao re ka bago ditswerere ka gona, le ka fao re ka kgonago go phala moisa yo mongwe, eupša ka fao tšohle re nago le tšona re ka kgonago go di neela go Yena.

¹³⁸ “Modimo o mphile toro, ebile ga se nke ka e dumela,” ke kwele batho ba bangwe ba bolela.

139 “Ga ke dumele go phodišo Kgethwa.” Ke be ke bontšha moisa letšatši le lengwe ka yona. O rile, “Ga ke kgathale ke dingaka tšea kae di tla saenago maina a tšona, ga ke kgathale ke ba bakae o ba bolelago, gomme go tla ba eng, goba e ka ba eng gape,” o rile, “Ga ke e dumele! Ga ke e dumele!”

Ke rile, “Ka kgonthe aowa. E be e se bakeng sa gago.”

140 Phodišo Kgethwa ga se ya romelwa go basedumele. E rometšwe go badumedi. Kriste ke wa badumedi. Moya wo Mokgethwa ke wa bona ba ba dumelago, feela; e sego bakeng sa basedumele, o be o se wa beelwa bona. Ke kotanatšhitišo ya sefofu go bona, ka mehla e tla ba, ka mehla e bile. Ga se wa basedumele. Ke wa bona ba ba dumelago! Yeo ke yona.

141 Bjale re hwetša gore baisa ba, ba be ba le badumedi, ba nyakile go hwetša. Ba laišitše se sengwe le se sengwe ba bilego le sona, go tloga. Ba nyakile go hwetša se se lego, therešo. Bjale, ba bile le leeto le letelele, kafafo bohle ba didimeditše ka mahumo a bona mmogo, le—le se sengwe le se sengwe, go ba komana, ka gauta, seorelo, le mira, le e ka ba eng ba bilego le yona, go tšea go hwetša Kgoši ye. Ba thomile leeto la bona ka dimpho tša bona.

142 Gomme, hlokomelang, go hwetša Kgoši ye, ba ile ka la Legodimong, Leswao le le filwego ke Modimo, e sego ka thutamodimo ya motho tsoko. Ba be ba Le bone ka go Lentšu. Le be le swanetše go ba fao, gomme ba latetše Leswao la Legodimo.

143 Ge motho a ka no ba le sebete seo ba bilego le sona! Ge ba ka no ba le kwe—kwe kwešišo yeo ba bilego le yona! Ge Modimo a re fa se sengwe, ge E le Lengwalo, swarelela go Lona!

144 Motho o re, “Ga go selo se sebjalo bjalo ka kolobetšo ya Moya wo Mokgethwa.” Go na le kolobetšo ya Moya wo Mokgethwa! O no ba tlwa ka tsela ye O bilego ka Letšatši la Pentecost, kafafo O a tla lehono, phodišo Kgethwa, Maatla a Modimo! Ga go yo motee a ka kgonago go se hla- . . . a ka kgonago go e hlatholla ka Beibeleng, “E tlošitšwe.” Nka kgona go le laetša mo Modimo a O filego Kereke! Le ntaetša Lengwalo moo A O tlošitšego? Ga go gona!

145 Ka gore, “O a swana maabane, lehono, le go ya go ile. Ka gore tshepišo ke . . .” Gomme Petro o boletše ka Letšatši la Pentecost, “Sokolongang, yo mongwe le yo mongwe wa lena, gomme le kolobetsweng Leineng la Jesu Kriste, bakeng sa go tlošwa ga dibe, gomme le tla amogela neo ya Moya wo Mokgethwa. Ka gore tshepišo ke ya lena, le go bana ba lena, le go bona ba ba lego kgole, le ba bantši ba Morena Modimo wa rena a tlogo go ba bitša.” Ba bantši ba ba kilego ba bitšwa! Moya wo Mokgethwa wa go swana, bošegong bjo, o no swana le ge O bile nako yela, go pelo ya go botega. Ge o sa dire. . . A ga se gwa tlwaelega kudu go wena go dumela Modimo?

146 Bjalo ka ge Paulo a boletše go Agaripa, “Oo, Agaripa, a o ka dira, a o ka gana se bapofeta ba se boletšego?”

¹⁴⁷ A o ka gana se Jesu a se boletšego, Yenamong, se Beibele Yonamong e se bolelago (e lego Kriste, Lentšu le le tloditšwego)? Gomme ge Lentšu le dula ka go wena, gona o motho yo a tloditšwego ka Lentšu. “Le dula ka go Nna, gomme Lentšu la Ka ka go lena, gona kgopelang se le se ratago, le tla se direlwa.” Yoo ke Kriste ka go wena, a tlotša Lentšu bakeng sa lebaka le, lebaka e ka ba lefe ba phetšego ka go lona. Modimo o arogantše Lentšu la Gagwe—la Gagwe go mabaka. Gomme nako le nako ge go etla nako yeo, dikereke tšohle di hlakahlakanego, gomme Modimo o tlotša yo mongwe, o O romela tlase le go dira Lentšu lela go dira feela tlwa ka tsela ye A rilego Le dirile. Tlwa. Gomme go na le Lentšu le le profetetšwego letšatši le. Modimo o letile go hwetša yo mongwe Le sego la go tlwaelega kudu go yena, gore ba ka kgona go tlotšwa ka Moya wo Mokgethwa, go netefatša gore Jesu Kriste o a swana maabane, lehono, le go ya go ile, go ba seetša sa go phadima, go foufatša mahlo a mosedumele. Gomme ba tla O rogaka, ba tla tliša toka godimo ga bona; ka gore Molao wa Modimo o lokile, gomme kahlolo e ka kgona feela go tla ka toka ya Gagwe. Gomme ka gona A ka kgona go ahlola lefase, le go le romela kgole ka go kgabo ya mollo, boka A dirile Basodoma. Bjale hlokomelang.

¹⁴⁸ Bjale re a hwetša, mo leetong, ba latetše Leswao le le filwego ke Modimo. Ba šeditše. Ga se nke ba tšea lentšu la e ka ba mang. Ga se ba ye tlase le go botšiša pišopo e ka ba ofe, goba e ka ba eng gape. Modimo o ba file Leswao. Ba Le bone *mo*, Le be le le Therešo, gomme ba Le šetše morago. Le etilepele tsela. E bile Yena yoo Lengwalo le akanyeditšegopele go yena. Ba tsebile gore le be le etla, gomme ba le latetše. Gomme e be e le eng? Ke kgona go ba bona ba tloga, ba šadišana gabotse, “Re tla ba morago letšatši le lengwe, baena, ra le tlišetša molaetša, ka gore re a tseba Ke therešo.” Gomme ba E latetše, go theoga go kgabaganya dithaba, go theoga go kgabaganya Noka ya Tigris, go theoga go kgabola melala, matšatši ka gare le ka ntle, dikgwedi ka gare le ka ntle, thata ka fao ba bego ba kgona go ya, ba šeditše Naledi yela.

¹⁴⁹ Nakong ya mosegare, go molaleng, ba be ba robala le go khutša, le go robala, ba retologa godimo, ba boledišana seng sa bona, “Oo, go swanetše go makatša ge re fihla kua; Lehlasedi le la Legodimo, Seetša se sa Legodimo, Seetša se seo re se bonago, se sa Kagodimogatlhago!”

¹⁵⁰ Amene! A le nagana ke hlakane bjaša? Ga ke dire. Hlokomelang Lehlasedi le la Legodimo, Seetša se re se šeditšego!

¹⁵¹ Bjale elerwang, ga go yo mongwe gape a Se bonego, Se kgabagantše godimo ga bobogaleratadima ka morago ga bobogaleratadima, go theoga ka Mohlalefi ka morago ga Mohlalefi. Eupša Se be se rometšwe bakeng sa bona. Ke a dumela ba Se bone, gobane Beibele e rile ba dirile. Ga go yo mongwe gape a Se bonego.

152 Ga go yo a bonego Seetša seo Paulo a se bonego, Selo sa go swana. Se mo rathetše fase, mo tseleng go ya Damaseko. Eupša Se filwe Paulo.

153 Ga go yo a bonego Moya wo Mokgethwa o etla bjalo ka Seetša go tšwa Legodimong, Leeba, eupša Johane. O O bone, o beile bohlatse. O O bone, ka moka ga bona ga se ba dira. O dirile, ka gore o be a O lebeletše.

Babohlale ba be ba E lebeletše!

154 Gomme ge o E lebeletše, ge o le komana go amogela Mpho ya kgonthe ya Krisemose, mpho ya kgonthe ya Krisemose, Mpho ya Modimo ya Kriste, Moya wo Mokgethwa. O O lebeletše, o tla O bona. Ke Seetša sa Legodimo se rometšwe fase go tšwa go Modimo, go tšwa Legodimong, go bea bohlatse bja Jesu Kriste.

155 Bjale, ga se ba tšea lentšu la yo mongwe gape. Nakong ya mosegare, go be go sa dudišege. Ba rile, “Oo, ke no se kgone go leta. Ga ke tsebe re tla ya botelele bjo bokae. Ka kgonagalo re tla ya ka—ka Jerusalema, goba tlase go Dinaga tše Kgethwa, Palestina, gobane ke moo seprofeto se boletšego gore Yena yo o swanetše go tswalwa gona. Kafao re tla E hwetša, ka pejana goba moragwana.” Nako ya bošego ya tla gomme leswiswi la thoma go dula ka gare.

156 Elelwang, Seetša se phadima feela ka leswiswing. Yeo ke tsela e nnoši Se lemogwago. Ge re kile ra phela nakong ya leswiswi, ge motho le thutotumelo ba tlošitše batho go Lentšu la Modimo, ke lehono, ge dikerekemaina tše di ba tlemile ka go mehuta yohle ya dilo eupša Lentšu la Modimo. Bontši kudu, ba tla fofalala go lekanela go sepelela ka go Khansele ya Dikereke, dilo boka tšeo, ba ikgokaganya bonabeng mmogo le mehuta yohle ya basedumele. Mola, Beibele e rile, “Ba babedi ba ka sepela mmogo bjang ntle le ge ba kwane?” Gomme dikereke tša rena di eya ka tlhakahlakanong ye bjalo ka yeo! Nnete, di fofetše. Eupša ke ka go iri yela ya leswiswi ge Seetša se etla pele. Moo ke ge Seetša se phadima.

157 Gomme ba Se šeditše. Gomme ge bošego bo etla, ba hlalala gomme ba re, “Nno tšwelapele o hlahlala, o hlahlala go leba bodikela, o sa tšwelapele, re hlahlele go Seetša sela sa go phethagala.” Pele, ba ile go theoga go kgabaganya dinoka, go theoga go kgabola mapheko a lešabašaba le mogohle, ge ba be ba eya, ba no nyaka go hwetša yona Therešo.

158 Gomme, lebelelang, Bethlehem e be e le tlwa mothalong le Judea go tloga moo ba . . . Gomme Jerusalema e be e le mothalong le Bethlehem go tloga moo ba bego ba eme. Hlokomelang. Oo, a seka, ge le ka kgona go se swara. Bethlehem še, gomme Jerusalema e godimo *mo*. Gomme go tloga moo Babohlale ba bego ba etšwa gona, ba ile ba swanela go tla Jerusalema pele, pele ba etla Bethlehem. A le a e hwetša? Wo mogolo wola, wo mogolo, wa go itira wa setaele mong, motsemošate wa kerekeleina, (ee,

mohlomphegi) Jerusalema, moo dikerekemaina tšohle di bego di kopana mmogo. Khansela ye kgolo e kopane kua, le a tseba. Kafao ge banna ba, ba tlile, gomme ba tlile go toropokgolo ye, gomme ba naganne, “Šele yona! Ge e ka ba mang a ka tseba ka ga Sona, a ka hlaloša Seetša se segolo se sa sephiri go rena, go ne baprista bohle ba bagolo. Go na le dingaka tša Bokgethwa, go na le Ph.D., LL.D., le tšohle tše godimo kua, ba tla tseba se sengwe le se sengwe ka Sona. Oo, baena, Jerusalema e ponagalong! Re ya fa, re tla ba le yona.” Ba phatlogile thwi ka mekgotheng!

“Le ya kae?”

“Re na le molaetša wo mogolo.”

“Ke eng?”

¹⁵⁹ “O kae Yo a tswetšwego Kgoši ya Bajuda? Seetša se sa sephiri ke eng godimo mo ka sona? Mang, O kae?” Go rotoga le go theoga mekgotheng, banna ba ba bahumi, le dikamela tša go apešwa bokaone, le gauta le seorelo, go hlatloga go kgabola mokgotha wo mongwe le wo mongwe, go theoga go kgabola mokgoba wo mongwe le wo mongwe, ba goeela, “O kae Yena? O kae Yena? O kae Yena?” Eupša o hweditše gore ba be ba se na karabo.

¹⁶⁰ Kgoeletšo ye kgolo lehono, “Bokomonisi bo godimo ga rena!” Oo, kgašo ye nngwe le ye nngwe ya seyalemoya, ka mehla e kokota Bokomonisi. Le kgona go hlatha Bokomonisi; eupša leswao la nako, ga le kgone go le hlatha.

¹⁶¹ Jesu o rile, “Le kgona go hlatha sefahlego sa lefaufau; eupša leswao la nako, ga le kgone go le hlatha.”

¹⁶² Ka mehla ba bolela ka “Bokomonisi! Bokomonisi!” Bokaone o hwetše go ne se sengwe gape se yago le bjona.

¹⁶³ Ke nako mang ye re phelago ka go yona? Leswao le Modimo a rilego O tla le laetša la mafelelo, pele e etla go phethega? Dilo tše A di boletšego e be e le eng? Israele ka lefelong la yona mošola, mohlare wa mogo o ipušetša morago yenamong gape. Lebelelang se sengwe le se sengwe feela tlwa se dutše ka mothalong. Gomme kereke ka lemong la Laodikia, le Jesu ka ntle, moneneri go kereke ya Gagwe mong; feela bjalo ka ge Dafida a be a le godimo ka godimo ga Bethlehem, moneneri go tšwa go batho ba gagwe mong. Moneneri! Gomme Kriste, Beibele e boletše, ka matsatšing a mafelelo, e be e le moneneri go batho ba Gagwe mong. Fao ka go Kutollo, tema ya 3, ka go lebaka la Laodikia le re phelago ka go lona, “Kriste o ka ntle, o a kokota, o leka go tsena ka gare,” moneneri go batho ba Gagwe mong.

¹⁶⁴ E bile nako yeo moo bahlabani bale ba tlimaretšego ditšhoša, gomme Dafida o goeleditše bakeng sa seno se seswa sa meetse, gomme ba ripa tsela ya bona go kgabola dimaele tše lesometlhano tša banna, go mo hweletša seno sa meetse. Gomme Dafida o a tšholletše godimo ga mobu, bjalo ka sehlabelo, moneelo wa seno.

165 Ee, bahlabani lehono, Jesu o nyaka seno sa a mabotse, a pentecostal ya kgale, meetse a maswa. A a dikerekemaina, meetse magakwa a a Mmeleka. Tšea Lentšu la Modimo, gomme o Le goge, gomme o ripe go kgabola ka moka dithutotumelo tše le dilo, go fihla re ka kgona go fihla lefelong moo go nago le seno se seswa bakeng sa Gagwe; ya kgonthe, thapelo ya therešo, pelo ya mmapale, moo A ka tšhollelago fase ya Gagwe, a dira Lentšu la Gagwe go phela mo letšatšing le. O tla ba le yona. O rile O tla “Bušetša Tumelo ya batho morago go botate; Tumelo ya bana.” Maleaki 4 e a re botša e tla tla, gomme e tla ba fao. Le se tshwenyega, e tla ba thwi fao. Modimo o šetše a boletše bjalo, kafao yeo ke phetho. Sešupanako se rotla thwi go ya pele. Ee, mohlomphegi. Eupša lehono re bona gore ba bagolo bale, lehono bao re ba bonago . . .

166 Gobaneng Bokomonisi bo etla? Gobaneng lefase le metšwa? Gobaneng phesente e tee ya Russia e ka kgona? Yeo ke yohle e lego Bokomonisi. Diphesente tše masomesenyane senyane e sa le Bokriste. Peresente e tee ya Russia, e laola lefase lohle, go nyakile, lefase la Bohlabela. Bokomonisi. Gobaneng? Gobaneng e kgonne go e dira? Beibele e rile e be e tla dira; O na le karabo.

167 Eupša le a bona bjale re leka go lwantšha *se* le *sela*. Gomme sona Selo se Modimo a re rometšego sona go se hlokomela, ga re Se bone.

168 Ba be ba tšea . . . ka fale, ba leka go hwetša ke mohuta ofe wa dikonopi ba swanetšego go di apara diaparong tša bona, gomme khonferense ya go latela, ke mang a swanetšego go ba seboledi segolo sa bona, le go ya pele, se sengwe ka mokgwa wa seo.

169 Gomme fa go be go le banna ba bohlale ba šeditše Seetša sa bona sa Legodimo, ba etla tlase, ba rile, “Ge ke fihla Jerusalem, ba tla mpošša se se sa Legodimo, Seetša sa semaka se lego ka godimo ga rena, se se re etagopele.” Gomme ba ile go rotoga le go theoga mokgotheng, “O kae Yena? O tswetšwe kae, Kgoši ya Bajuda? Re bone Naledi ya Gagwe ka Bohlabela. Re tlile go Mo khunamela. Re na le gauta, setlolo, re na le se sengwe le se sengwe bakeng sa Gagwe. O kae Yena? O kae Yena?”

170 Ba rile, “O kae Mang? Eng?” Ke ka tsela ye go lego lehono. “Oo, ga go selo se sebjalo bjalo ka seo se diregago lehono,” ba boletše.

“Oo, ge letšatši le sobela, re bona Seetša sa semaka.”

“Ga se ka ke ka Se bona.”

“Bitšang monna toreng.”

“A le bone mohuta e ka ba ofe wa Seetša sa semaka?”

“O rileng?”

“O bona semaka e ka ba sefe . . .?”

171 “Aowa! Bothata ke eng ka wena?” Le a bona, ba be ba se na le karabo.

172 Ga ba na le yona lehono! Ga ba tsebe gore dilo tše ke eng, fao ba swanetšego go e tseba, moo dihlogo tše kgolo tša dikereke di swanetšego go be di lemoga dilo tše. Eupša Modimo ka mehla o šoma ka bonnyaneng, le go kokobela kudu gore e ya thwi ka godimo ga bona, ga ba e tsebe. Eupša efela O phethagatša Lentšu la Gagwe ka mokgwa woo. Yeo ke yona. Re dira borena beng go logagana godimo ka go dilo tše kgolo tše, gomme ga re kgone go šutha. (Modimo, re kgaola go lokologa go tšona dilo, gore re kgone go bona ke iri efe re phelago ka go yona.) Ge Modimo a swanetše go šoma ka toro gape, A ka kgona go e utolla go wena. Nnete, A ka kgona. Re phela ka matsatšing a mafelelo. Bjale theetšang. Oo!

173 Ga se ba be le karabo ya Seetša sa semaka, ga se ba be le yona ka motsengmošate. Ebile ga ba na le yona lehono. Kafao ba dirile eng? Ba biditše bakeng sa Lentšu la Modimo. Yeo ke kgopolo. Ba rile, “A re lebeleleleng godimo ka go Lentšu la Modimo, gomme re hwetše moo dilo tše di lego.” Gomme ge ba biditše bakeng sa Lentšu la Modimo, Babohlale ba be ba le ditswerere kudu go feta bontši bja batho lehono. Babohlale ba bone, go ya ka Lentšu la Modimo, gore ba be ba se na le yona, gomme ba be ba sa ye go e hwetša. Amene. Ba hweditše gore yeo ebile e be e se toropokgolo, leo ebile e be e se lefelo. O be a swanetše go tswalelwa ka Bethlehem ya Judea. Amene. Ye nnyennyane, ya go kokobela kudukudu magareng ga tšona tšohle, le lennyane, la nthatana, lefelo le lennyane, e sego le legolo la go itira la setaele mong. Banna ba bohla ba bone thwi ka pela. Lentšu la Modimo le e utolotše, gore ba be ba se na le yona gomme ba be ba sa ye go e hwetša, kafao ba tšwetše ka ntle ga tlhakahlakano yeo. Ge re ka no dira go swana! Ra sebotšwa ka torong, go tšwa go tlhakahlakano yeo ba ilego. Kafao, ba e tlogetše. Haleluya, go bona. Ba e tlogetše.

174 Ka morago ga ge ba tšwetše ka ntle ga tlhakahlakano yeo, nako yeo sa Kagodimogatlhago sa tšwelela gape. Šele yona. Morago ga ge ba ripile go tlemologa go tšwa go dilo tšeo. Ka morago ga ge ba tšwetše ka ntle ga tlhakahlakano yohle yela godimo kua, go bakišana, go ngangišana, le se sengwe le se sengwe, tlase kua moo motsemošate wohle wo mogolo o bego o le, le moprista yo mogolo ohle, le dingaka tša Bokgethwa, bohle ba bona ba sepela go dikologa ka ya bona Ph.D., le ya bona ye kgolo, ye kgolo, ba apere kefa ya setše, ba be ba ka se kgone go bona Naledi, bakeng sa yeo. Go sepela gore. . . Dilo tše bjalo ka tšeo di fofatša batho ba bantši; maina a magolo, le batho ba bagolo ba sepela go dikologa.

175 Bontši bja bona ba rile, “Gabotse, ga go selo se sebjalo ka seo. Mengwaga ye makgolonne, ga se ra tsoge ra kwa selo se sebjalo.

Bothata ke eng ka bona batho ba go tshereana? Ba romeleng morago godimo ka India moo ba lego ba gona.”

¹⁷⁶ “Gabotse, eng? Lentšu la Modimo, go reng ka Leo? O rile, ‘Wena Bethlehem ya Judea, a ga o yo monyennyane gare ga bakgoma bohle ba Juda? Eupša go wena go tla tšwa. . .’ Oo, re ka lefelong la go fošagala,” ba boletše. “Re ka se tšoene godimo le se sengwe sa dilo tše.”

¹⁷⁷ Kafao, ba retolotše dikamela tša bona le go tloga go yona. Modimo a ba šegofatše. Ba ile ka ntle ga fao. Gomme ka pela ge ba se no tloga go sona, fao Seetša sa tšwelela gape. Sa Kagodimogatlhago se thoma go sepela ka go bona gape. Oo, nna! Ba thoma go latela sa Kagodimogatlhago nako yeo, Babohlale ba tšwetše ka ntle ga tshepedišo ya bona. Kafao ka morago ga ge ba tšwetše ka ntle ga yeo, Seetša sa Kagodimogatlhago go tšwa Legodimong se tšweletše go bona gape.

¹⁷⁸ Ge feela o tlemilwe le sehlopha sa basedumele bao ba sa dumelego dilo tše, o ka se tsoge wa kgona, o tla fofala bjalo ka mankgagane. Ikgaole wenamong go tloga go se sengwe le se sengwe; ge e le mme, tate, kgaetšedi, ngwanešu, kerekeleina, goba e ka ba eng e lego. “Yo a ka se tlogelego ba gabo mong, gomme a tla ka morago ga Ka, ebile ga a ne maswanedi go bitšwa wa Ka. Yo a beago seatla sa gagwe godimo ga mogoma, gomme a thoma, gomme ebile a retologa go lebelela morago, ga a swanela go lema.” Ngwanešu, kgaetšedi, a nke ke go botše, go na le sa mmapale, Seetša sa therešo sa Bokriste se phadimago bošegong bjo, Ke Jesu Kriste, wa go swana maabane, lehono le go ya go ile. Kgaola go tlemologa go tšwa go se sengwe le se sengwe! Gomme Yena ke Lentšu. Yena ka mehla ke Lentšu. Lentšu la Modimo le nepile ka go phethagala. Lona ga se la tlhathollo ya sephiri.

Le re, “Le ra se.”

¹⁷⁹ Le ra feela se Le se bolelago. Beibele e rile, “Lona ga se la tlhathollo ya sephiri.” Ge Le re, ge Le re, “boso ke boso, gomme bošweu ke bošweu,” seo e no ba se le lego. Ke Magomo. Ke Gomangkanna. Gomme motho yo mongwe le yo mongwe yoo a tšwetšwego ka Moya wa Modimo o tlemeletšwe go Leo, ga go kgathale, ga se gona se ka mo aroganyago go tloga go Lona. O tlemeletšwe go Lentšu lela, gobane ke Kriste. Kriste ke Lentšu. Gomme Kriste a ka se kgone go aketša ka Lentšu la Gagwe, ka gore Yena ke Lentšu.

O rile, “Gabotse, ke a tseba O boletše Seo, eupša!”

¹⁸⁰ Ga go “eupša” gomme ga go selo ka Lona. O nno re Le be le le ka tsela yeo, gomme seo ke se Le lego sona. Gomme A ka se kgone go Le fetola. A ka se kgone. Yena ga a fetoge. O rile, “Magodimo le lefase di tla feta, eupša Mantšu a Ka a ka se tsoge a feta, a ka se tsoge a šitwa.” Le tla ba thwi fao ka sehla sa Lona. Le tla ba, go tla ba yo mongwe fao yo a tla Le dirago le phadime. Yeo ke nnete.

181 Gomme Modimo o boletše Lentšu lela, Morwa yo o tla ba fale, gomme O be a le fale, go Le dira le phadime. Go be go le Moeti yola wa Legodimong; gomme ba be ba E šeditše, le go tla thwi go otlologa go Yona. Kafao ba tlogetše thutotumelo ya kgale, gomme ba thomile go ya Kagodimogatlhago gape, gomme ba ile kgole. Ka fao ba hlaletšego! “Bona,” Beibele e rile, “ba hlaletše ka lethabo le legolo go fetiša ge ba bone Seetša sela se etla gape.”

182 Oo, ngwanešu, kgaetšedi, go tla ba bose bjang ge yo mongwe le yo mongwe wa lena, ge yo mongwe le yo mongwe wa rena, rena, nna, ge yo mongwe le yo mongwe wa rena a ka kgona go beela thoko magadigadi ohle a a Krisemose mo, le a bona, a tlogela gohle go fetolanya dimpho mo, seng sa rena, ditšiebadimo tšohle tše tša lefase; le go no tloša boikgantšho bja rena le go bo bea fase, le go napitla selo ka fase ga leoto, go re, “Morena Jesu, ntlahlele go Seetša sela sa go phethagala.” Šetšang se sengwe sa Kagodimogatlhago se direga. Moya wo Mokgethwa o tla tla ka tsela ya tiragalomatlabi. Le a bona?

183 Ba ile pele, ba latela sa Kagodimogatlhago. Gomme ba tlogetše eng? Ba latetše Leswao la Legodimo la letšatši leo, bjale elelwang, la Legodimo, Leswao le le filwego ke Modimo. A lena bohle le a dumela gore yeo ke therešo? Leo e be e le la Legodimong, Leswao le le filwego ke Modimo. Ba latetše Leswao lela go fihla ba hweditše Lentšu le le dirilwego nama. A le a dumela O be a le Lentšu le dirilwe nama? Leswao la Legodimo, le tshepišitšwego la letšatši leo, le ba etilepele go ya go Lentšu le le dirilwego nama.

184 Ngwanešu, kgaetšedi, O tla dira go swana bošegong bjo. Leswao le legolo le go tšwa Legodimong, leo re nago le lona, Moya wo Mokgethwa o phela magareng ga rena, O lateleng. Se sengwe se sepela ka pelong ya gago, “Ke a tseba ke swanetše go amogela Seo. Ke a tseba ke swanetše go dira go feta go tšoenakereke.”

185 “Ke na le kgwebo ye botse, ke—ke a tseba e a atlega.” Ngwanešu, a o a tseba le lengwe la matšatši a tlhaselo ya pelo e ka go tšea ka ya bone mo mosong, gomme o swanetše go tlogela kgwebo yeo? Morago o ya kae ka morago ga fao?

186 [Ga go selo godimo ga theipi—Mor.]...hlatseditšwe ka nameng ya gago mong, o motho yo a tswetšwego ke Moya wo Mokgethwa. A le ka se rate go ba le yeo? A yeo e ka se be mpho ye kgolokgolo ya Krisemose yeo e ka ba mang a ka kgonago go e hwetša? Mpho ya Bophelo bjo Bosafelego. “Modimo o ratile lefase gakaakang, gore A neele ka Morwa wa Gagwe a tswetšwego a nnoši, gore mang le mang a dumelago go Yena a se ke a senyega, eupša a be le Bophelo bjo bosafelego.”

187 “Re bone Naledi ya Gagwe ka Bohlabela gomme re tlile go Mo rapela.”

188 Tlhabologo e sepetše le letsatši, go tšwa Bohlabela, go tla bodikela. Re ka Lebopong la Bodikela bjale, Bohlabela le Bodikela di kopane, re ka se kgone go ya kgojana. Tlhabologo ya kgalekgale ke China, thwi morago lehlakoreng le lengwe la lefase. Elelwang, e ile . . .

189 Gomme sebe se sepetše le tlhabologo. Gomme re . . . Ke a tseba go bothata go bolela se. Eupša, ngwanešu, kgaetšedi, ebile le dikgopolo le maikaelelo a pelo ya motho, monna yo a tlotitšwego ka Moya o kgona go ema, gomme le e šeditše le go e bona go ba bangwe. O a ema gomme o bogela motho, o no ba dira gore ba boleme lentšu goba a mabedi, o kgona go bona thwi fao tšona dikhunkhwane di fofa; le a bona, ba—ba swara tlotšo yela le bona. Kgopolo ye nngwe le ye nngwe ya motho ke ye mpe kgafetšakgafetša. Go no swana le ge go bile ka matsatšing a Noage, go fihla ebile go nyamišitše Modimo gore O kile a dira motho, O rile, “Ke tla fediša motho go tloga sefahlegong sa lefase.” Gomme re tlile morago go nako yeo go le bjalo, gape. Hlokomelang.

190 Eupša O na le Kereke ye nnyane ye A nyakago go e tšea. O na le dikete tše ntši di robetšego, di robetše lefaseng; tišo ya pele, tišo ya bobedi, ya boraro, ya bone, ya bohlogo, ya boselela. Gomme ye ke tišo ya bošupa. Elelwang, moo ke ge A etla, ka go tišo ya bošupa. Gomme ka go tišo yela, O hweditše dikgarebe tše bohlogo, le dikgarebe tše di bego di ne Oli go tšwa leboneng la tšona. Oli ke seka sa Moya wo Mokgethwa. Ge o se wa hwetša Woo ka leboneng la gago bošegong bjo, ngwanešu wa ka, kgaetšedi, gobaneng o sa tšee Yeo, Mpho ye kgolokgolo ya Modimo ya Krisemose.

191 Le a tseba, lehono re hwetša ye kgolo, mpho ye kgolo, re a e phuthela, le go tšea ditlora tše tharo go e phuthela, re bea mehuta yohle ya magadigadi godimo ga yona. Gomme makga a mantši le nagana ke mpho ye kgolo. Gomme mosadi a eme lebenkeleng letsatši le lengwe, ba babedi ba bona, ba bolela, yo motee o rile o be a eya go hweletša papagwe . . . O rile, “Eng,” a bolela le samme wa gagwe, o rile, “o ya go hweletša papa eng?”

192 O rile, “Ke ya go mo hweletša mokgobo wa dikarata, le—le khathune ya disekerete.”

193 O rile, “Ke mo hweletše sa bohlogo sa wisiki, gomme,” o rile, “ke ya go e phuthela.” Le a bona, magadigadi ka ntle ga a, ga a tsebagatše se se lego ka gare. Le a bona?

194 Eupša Modimo o na le Mpho ya Krisemose bakeng sa lena bošegong bjo. O E phuthetše ka legopong. Bokantle bo be bo se bontši kudu, eupša, oo, Bokagare ke Bophelo bjo Bosafelego. A o ka se dumelele tiragalomatlabi ye ya Moya wo Mokgethwa go ratha bophelo bja gago bošegong bjo, le go go etapele go ya go Seetša sa Gosafelego?

A re inamišeng dihlogo tša rena feela nakwana.

¹⁹⁵ Ka go homoleng ga nakwana ye, wo monnyane wo wa go rengwa, ge nka o bitša molaetša wa Krisemose, wo mongwe wa yona. Ge ka kgonthe o o dumela go ba Therešo, gomme ga se wa tsoge wa hwetša Seetša sela sa Gosafelego, ga se wa tsoge wa dumelela Moya wo Mokgethwa wo mogolo go go etapele go ya go Seetša sela, a o ka bolela feela bjale ka pelong ya gago, gomme wa re, “Morena Jesu, ke nyaka go hwetša Seetša sela. Ga ke kgathale se e ka ba mang gape a se bolelago, ke nna, ke nna yena, ke nyaka go hwetša Seetša sela.” A le ka phagamiša diatla tša lena bjale, ge le sa ne dihlogo tša lena di inamišitšwe? Phagamiša seatla sa gago, e re, “Nthapediše, Ngwanešu Branham, ka therešo ke nyaka go hwetša Seetša sela.” Modimo a go šegofatše, mohumagadi. Modimo a go šegofatše. Gomme Modimo a go šegofatše, mohumagadi. Modimo a go šegofatše, mohlomphegi. Yo mongwe, phagamiša seatla sa gago, e re, “Ke nyaka, ke nyaka go, ke nyaka Mpho ya Modimo ya Krisemose.” Modimo a go šegofatše, mohlomphegi. Modimo a go šegofatše, mohumagadi. Yo mongwe, e re, “Ke nyaka Mpho ya Modimo ya Krisemose. E romele go nna, Morena, ga ke kgathale se E lego sona. Ge E etla ka legopong, ge E etla ka bobolokelong, ga ke kgathale E lebelega kgobogo gakaakang go lefase, ke swanetše go lebelela go goboga bjang go lefase.” Le a tseba, dimpho tše kgolo tša Modimo ka mehla di dira motho go itshwara go se tlwaelege.

¹⁹⁶ Lebelelang Moshe, moithutamodimo yo mogolo, serutegi se segolo, eupša letšatši le lengwe o kopane le Seetša ka lehlakoreng la morago la leganata. O rotše dieta tša gagwe. Monna bogolo bja mengwaga ye masomeseswai, le maledu a lekeletše tlase go fihla go mothalo wa letheka la gagwe, a bea mosadimogatša wa gagwe le lese la gagwe godimo ga moula, gomme a ya tlase Egepeteta. Moo a bilego le sešole ka moka go thopa bakeng sa letšatši le lengwe, gomme o šitilwe; bjale o ya morago ka feela lepara la go kgopama, o ya tlase Egepeteta, go thopa setšhaba. Gobaneng? O be a hweditše Seetša sela, sela sa Kagodimogatlhago.

¹⁹⁷ Gomme Selo se sennyane sela se menekanago pelong ya gago bošegong bjo, seo ke sa Kagodimogatlhago, seo ke Seetša sa letšatši. A o ka se Se dumelele go go etapele go ya go Jesu Kriste, Yo a ka kgonago feela go go fa Bophelo? A go na le yo motee yo a sego a phagamiša diatla tša bona, a ka rego, “Nkgopole, Ngwanešu Branham, ka thapelong bjale?” Modimo a go šegofatše. Yo mongwe? Šegofala. Yo mongwe, yo mongwe? Modimo a go šegofatše. Modimo a go šegofatše, lesogana. Yo mongwe? Modimo a go šegofatše, moisa yo moswa. A yo mongwe?

¹⁹⁸ E re, “Ke nyaka go latela, ke nyaka go latela Naledi ya Moso, Kriste. Ke nyaka go latela le go hwetša Jesu wa ka letšatši le. Ke nyaka go tloga go ohle a magadigadi a Krisemose le dilo, gobane letšatši le lengwe a ya go tšhungwa ka mollo wo o sa timego.” Gomme bohle bao ba a kgotlelelago, ba tla tšhungwa le

wona. Lefase, modiradibe, o tla otlwa, ba tla senyega le lefase. Batho ba go rata lefase ba tla senyega le lefase. Gomme ge o na le, go le bjalo, go sa le lerato la lefase ka go wena, gomme o nyaka go ithekiša wenamong go felela bošegong bjo go Jesu Kriste le Lentšu la Gagwe, phagamiša seatla sa gago. Gape bjale, mang kapa mang yo a sego a phagamiša. Modimo a go šegofatše. Šegofala. Ke no bolela seo. Modimo a go šegofatše, mohumagadi.

¹⁹⁹ Ga o tsebe, motsotso o tee yo mongwe a ka phagamišetša seatla sa bona godimo. O re, “Ke phapano efe seo se e dirago, Ngwanešu Branham?” Phapano gare ga lehu le Bophelo.

²⁰⁰ Ge seatla sela se ile godimo ka mokgwa *wola*, gomme ka kgonthe o be o era seo, go na le Sengwe hleng le wena. Ke Eng? Seo ke Seetša sela ke bolelago ka sona. Seo ke Seetša sela se go botšago. “Ke bile phošo. Go na le lefase ka go nna. Ga ke sa le nyaka gape. Ke tla phagamišetša diatla tša ka godimo.” Bjo ke bopaki.

²⁰¹ Le elelwa eng, a le tseba gore seatla sa go phagamišetšwa godimo ke eng? Ka go leleme le lengwe le le lengwe ka tlase ga Legodimo, seatla se se phagamišetšwego ke boineelo, leswao la boineelo. Ge o phagamiša diatla tša gago, sešole e ka ba sefe, e ka ba kae o phagamišago seatla sa gago, ke le—ke leswao la boditšhabatšhaba la boineelo.

²⁰² Ke ba bakae bošegong bjo, thwi ka go setsopolwa se bjale, o tla phagamiša seatla sa gago, wa re, “Ke neela tšohle, Morena. Ke a neela. Ke—ke feditše. Ke a neela.” Modimo a go šegofatše. Modimo a go šegofatše. Yeo ke nnete. Yeo e kaone. Oo, nna.

²⁰³ Ke a makala ge eba mmapiano o tla tla go piano ge re sa rapela.

²⁰⁴ Tate wa Legodimong, ke a lemoga Le rile, “Ba bantši ba ba dumetšego ba kolobeditšwe.” Seo ke sohle se lego bohlokwa, Morena. Ge ba Go dumela, se sengwe se swanetše go direga. Ke ba Gago, ke bona diala tša tirelo ye nnyane ye ya Lentšu la Modimo; Bogona bja Jesu Kriste fa go sehlopha se sekaone se sa batho bošegong bjo, ba kgobokane ka fa, moletlwana wo monnyane wo. Eupša bošegong bjo re a tseba gore O fa. Ka mokgwa wo mongwe, mohlomongwe, re ka no se Bo bone feela ka mahlo a rena, eupša re Bo kwele ka sekwi se sengwe sa rena, sekwi sa rena sa go kwa, sekwi sa go ikwela ka pelong ya rena, letswalo la rena. Soulo ya rena e boletše le rena, gomme e rile, “Re ka Bogoneng bja Jesu Kriste: mpho ye kgolokgolo ya Krisemose, Mpho ya mathomo ya Krisemose go tloga go Modimo go ya go motho.”

²⁰⁵ Gomme, efela, go dimpho tšohle tšeo re di amogetšego, bontši bja rena ga se šo ra tsoge ra amogela Mpho yela ye kgolo. Re a rapela, Modimo, bakeng sa bona bošegong bjo ge ba phagamiša diatla tša bona, ba nyaka se go *Lekanela Gohle*. Ba sekametše ka tseleng yeo, Tate. A nke. . .

206 Borabi ba dirile, le bona, ba bantši ba barutiši ba bagolo ba letšatši leo ba sekametše ka tseleng Yeo, eupša ba be ba boifa go gatela ntle le go dira boineelo bjohle bja nako e tee, le go Le dumela; le go amogela Molaetša, le Seetša sa iri, Lentšu le le hlatsetšwego. Go bile ba bantši ba ba e dirilego.

207 Morena, go na le ba bantši mo bošegong bjo, masomepedi goba masometharo ka go sehlopha se sennyane se sa batho. Ge eba ke nyaditše, goba godimo, ntshwarele. Eupša, Morena Modimo, mohlomongwe bontši bjoo, bontši goba bonnyane, ba phagamišitše diatla tša bona. Ba komana go ineela. Modimo, ba fe Jesu, ba fe Moya wo Mokgethwa ka bophelong bja bona. A nke ye e be iri ye kgolokgolo ya bophelo bja bona. A nke ba ye gae bošegong bjo, boka Josefa, ba naganišiša dilo tše ka pelong ya bona, “Gobaneng ke phagamišitše seatla sa ka? Ke eng e ntirilego go dira seo? Ke tlile bjang go dira seo? Efela, ke tleleimile go ba Mokriste lebaka la mengwaga, eupša Sengwe se mpoeditše go phagamiša seatla sa ka.” Maloko a kereke, ebile le badiredi, ba phagamišitše diatla tša bona, Morena. Ke a rapela gore O tla fa tšhegofatšo ye go bona. E fe.

208 Gomme a nke Morongwa wa Morena a tle, gomme a re, “Se boifeng, se ke Seetša sa letšatši. Se ke Seetša sa iri. Dietša tša mantšiboa di a phadima.” Moprofeta o rile, “Go tla ba Seetša nakong ya mantšiboa, feela pele letšatši le dikela.” Gomme, Morena, re bona go dikela ga letšatši ga nako, ka pejana le tla hlakana ka go Bokagosafelego. Efa, Morena, gore yo mongwe le yo mongwe wa bona o tla hwetša Jesu bošegong bjo. Ka gore ke e kgopetše Leineng la Gagwe. Amene.

209 A re nong go phagamiša diatla tša rena ka sebopego sa boineelo, ka mokgwa *wo*, ge re ema ka maoto a rena.

210 Ke ya go le kgopela se sengwe. Lena ba le phagamišitšego diatla tša lena lebakana la go feta, ke—ke le rapeletše. Seo ke sohle ke tsebago mokgwa wa go se dira, ke go rapela. Ke ya go dumela bakeng sa lena. Ke a dumela gore se ke se kgopetšego, O a mpha, gobane O tshepišitše O tla dira. A ka se kgone go aketša. A ka se kgone go aketša. Selo se nnoši—selo se e thibelago go direga ke ga ka. . . e tla ba gosedumele ga ka. Ke dumela bakeng sa lena, gore ka kgonthe le be le e ra seo. Gomme Modimo o ya go le fa Moya wo Mokgethwa. O ya go le fa Wona, gobane le O kgopetše, le nyaka go dira boineelo.

211 Gomme ge le dirile seo, ke le botša se ke nyakago le se dira. Ke nyaka o hwetše kereke tsoko ye botse ye e dumelago ka go kolobetšo ya Moya wo Mokgethwa, eya kua. Eya kua. Gomme ge o le ka go mohuta woo wa kereke, eya go modiša wa gago, mmošše, o re, “Ke phagamišitše diatla tša ka bošegong bjo bongwe, ka kopanong ye nnyane.” Ebile ga wa swanela go mmošša moo e bego e le gona. O re, “Ke phagamišitše diatla tša ka, ke nyaka o rapele le nna, modiša. Ke—ke—ke nyaka kolobetšo

ya Moya wo Mokgethwa. Ke a O nyaka. Ke swanetše go ba le Wona. Ke swanetše go ba le Wona, go phela. Ke swanetše go no ba le Wona! Ke bone Seetša.” Oo, Modimo mo fe Wona. A o tla e dira bjale?

²¹² Gomme bjale bjalo ka yo mongwe le yo mongwe ka fa, ge re eya go opela, “Ke a neela, ke neela tšohle. Tšohle go Kriste, Mophološi wa ka, ke neela tšohle.” Gabotse, a re phagamišeng diatla tša rena bjale, le go tswalela mahlo a rena, ge re opela.

Ke neela tšohle,
Ke neela tšohle,
Tšohle go Wena, mošegofatšwa Mophološi wa
ka,
Ke neela tšohle.
Ke neela tšohle,
Ke neela tšohle,
Tšohle go Wena, mošegofatšwa Mophološi wa
ka,
Ke neela tšohle.

²¹³ A le a e ra? E reng, “Amené.” [Phuthego e re, “Amené.”—Mor.] Bjale ke nyaka le dire se sengwe ka kgonthe ga bose bjale. Yo mongwe a emego hleng le wena, obeletša godimo go seatla sa bona, gomme o re, “Ngwanešu, ke be ke era seo. Nthapedišé.” A re direng seo, bohle mmogo, e direng gonabjale.

Ngwanešu, ke be ke era seo, nthapedišé. Modimo a go šegofatše. Modimo a šegofatše... [Lefelo la go se be le selo godimo ga theipi—Mor.] . . . nna.

Seo ke se sebotse. Seo se kaone. Oo, a ga se go dire o ikwele gabotse? Ke be ke era seo.

²¹⁴ Bjale ge ka kgonthe go tšwa pelong ya rena, re a e ra, re neela se sengwe le se sengwe, thato ya rena beng, ditsela tša rena beng, se sengwe le se sengwe re nago naso, re se neela go Kriste, a re phagamišeng diatla tša rena gape gomme re opele.

Ke neela tšohle,
Ke neela tšohle,
Tšohle go Wena, mošegofatšwa Mophološi wa
ka,
Ke neela tšohle.

²¹⁵ A re inamišeng dihlogo tša rena bjale, gomme re opele. [Ngwanešu Branham o a hama, *Ke Neela Tšohle*—Mor.] Bjale e no bea monagano wa gago godimo ga Gagwe.

Ke . . .

Ke le kganyogela yona Krisemose ya lethabothabo, gore Modimo o tla romela Naledi ya Gagwe go tšwa Bohlabela, ye e hlabilego ka Bohlabela, mengwaga ye makgolo a lesomesenyane ya go feta, gomme o tla le hlahlela go Lentšu le le dirilwego nama.

Ke neela tšohle,
Ke neela . . .

Matsogo godimo go Modimo.

Tšohle go Wena, mošegofatšwa Mophološi wa
ka,

Ke neela . . .

Modimo a go šegofatše, Tony. 

63-1216 Re Bone Naledi Ya Gagwe
Gomme Re Tlile Go Mo Khunamela
Ramada Inn
Tucson, Arizona U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org